

陳迦陵文集



序

竊聞三江雄闊勢接荆溪九龍嶺峻氣通善卷大藥得張  
公之洞飛仙留玉女之潭陽羨之城巋然任公之臺無恙  
美哉鍾靈於斯尚已其中篤生陳子其年焉源本太昊之  
墟支分潁川之派金張七葉貂珥盈門謝氏一家烏衣各  
巷其年夙挺雋才體周大雅顧長康之三絕乃去其癡劉  
子翼之獨行世高其德尤躄儷體獨冠當時原夫太極是  
生兩儀由茲而來物非無耦日星則珠聯而璧合華木亦  
並蒂而同枝關關鏘鏘鳴必相和儻儻俟俟聚斯爲友物  
類且爾況於人文者哉是皆天壤自然之妙非強比合而  
成之也昔者黃門夫子振起吳松四六之工語妙天下余  
與其年皆及師事悠悠擺落僕復何言乃其年則羣推領

袖直接宗風旣吐納乎百川亦磬控乎六馬觀其整肅則  
垂紳搢笏雄毅則劍拔弩張綺麗則步障十層遙裔則平  
楚千里或徘徊如墮明月或天矯如曳晴虹或如天姬揚  
袂而望所思或如秋士餐英而思所托余每覽之唱嘆彌  
日循環在手低徊在心或謂三古六經氣留淳朴先秦西  
京體並高古焉用駢組聿開浮華豈知萬邦九族之語已  
見諸虺誥水濕火燥之句亦載於文言嚆矢權輿引厥端  
矣至若武靈王之論騎射丞相斯之諫逐客往覆徵引排  
比頗多戰國龍門云何損格且夫其年之手弄丸有餘能  
於屬詞隸事之中極其開闔不外紬青媿白之法自行跌  
蕩政如山陰楷書而具龍跳虎卧之奇杜陵排律乃得歌  
行頓挫之致蔚乎神筆詎不然歟今也華亭唳鶴聲旣逸

然楚些驚蛇歌之如昨覩此驚龍之新作轉抗俯仰之幽  
情天地何寬不覺百端交集文章未墜益信千秋在茲云  
爾錢塘毛先舒誤



序

余素不嫻駢體之文以爲文者性情之所發雕刻愈工則性情愈漓嘗見某公贈廣陵遊子序炳曜鏗鏘美言可市適余友有西陵之行遂戲易廣陵爲西陵并稍更其竹西歌吹等語則全篇皆可移贈因嘆此道雷同倚附蓋千手如一律也至若七啟七命古人已踞其勝乃復取宮室遊獵聲色之盛以相踵襲毋論其不似古人卽似古人矣古人已往亦何必復有我耶遂絕筆不爲者十年歲戊午國家以博學宏詞徵召天下士其文尚臺閣或者以爲非駢體不爲功輦轂之間名流雲集皆意氣自豪而余內顧胸中索然一無足恃旁人咸咎余嚮者持論之過余亦笑而不顧也居久之陳子其年訪余邸舍出其全集見示自

賦騷書啟以及序記銘誄皆以四六成文余偶披篇首已見其稜稜露爽繼諷詠纏綿窮宵達晝言情則歌泣忽生叙事則本末皆見至於路盡思窮忽開一境如鑿山如墜壑如驚兕乍起驚鳥復擊而神龍天矯於雨雹交集之中也爲之舌橋而不能下始悟文之有駢體猶詩之有排律也昔杜少陵爲長律其對句必伸縮變化出人意表雖侏比于百言而與北征諸作一意單行者無毛髮異推此意以爲文是駢體中原有真古文辭行乎其間陳子已先我而擅場惜余向者之質質不察也嗟乎陳子世其家學少負重名今始膺不世之遇然視其髻間亦蒼蒼欲改矣若余年甫逾強仕從此學陳子之學更復閱十年亦庶幾可希一日之遇而已緩不及待也陳子將何以策我哉嚴江



第毛際可撰

此序... 卷下... 息堂

序

揚雄有言雕蟲篆刻壯夫不爲朱子亦曰東漢文章漸趨對偶其氣日卑此昌黎譏其衰颯子厚以爲駢拇者也然高文大冊代有偉人而折柳寄梅不無逸致聲偶之學又何可少也今觀家兄其年所著錦心繡口玉佩瓊琚思若湧泉辭如注水心手之調詞意之屬一字一句皆別開生面使人讀之覺齒頰香而心目豁者此集出凡辭人才子駢黃儷綠曳玉敲金人握靈蛇之珠家抱荆山之玉皆當焚筆硯矣豈非絕技也哉因信文不論大小惟有一段真精神透映紙上便是慧業皆足以發奎璧之光而傳之千百世也嗟乎其年明德之後清白傳家晚拜一官淹忽棄世生平遺書正恐無人無力拮據維艱將與秋草落花隨

風飄沒幸四弟子萬令尹博陵公餘刻燭分類彙緝又出其清俸梓之以傳然後其人其文得以不朽詩曰凡今之人莫如兄弟如子萬者亦可謂難矣

康熙二十七年歲在著雍執徐之仲冬上浣愚弟僖謹撰



陳迦陵儷體文集目次

卷一 賦十首

璿璣王衡賦

滕王閣賦

述祖德賦

擔園賦

銅雀瓦賦

半蘭園賦

看奕軒賦

瑞木賦

白秋海棠賦

白丁香花賦

卷二 頌二

書十  
一首

平滇頌

醴泉頌

與吳駿公書

與芝麓先生書

上芝麓先生書

與葛瑞五書

與周子俶書

答冒辟疆先生書

與周櫟園書

與吳漢槎書

答毘陵友人書

答周壽王書

與陳際叔書

卷三

啟十  
五首

李映碧先生八十徵詩文啟

徵浙江總督李鄴園先生壽言啟

徵淮安張鞠存年伯雙壽詩文啟

徵毛太母黃太孺人八十壽言啟

爲丁太公徵八十壽言啟

徵田太翁八表壽言啟

爲溧陽彭太翁太母七十雙壽徵詩啟

徵沈韓倬太史母周太孺人八十詩啟

徵松陵潘母六十壽言啟

遊隱文集目次  
二  
惠止堂  
徵大銀臺柯素培先生六十壽言啟

儲太翁九十徵詩啟

任丘龐年伯七十徵詩文啟

徵吳老年伯母六表詩文啟

徵孟太母王太夫人六十壽言啟

徵李母董太宜人六十壽言啟

卷四

啟十  
四首

刻周鹿溪先生遺集啟

徵贖十三經十七史毛氏書板啟

徵刻吳園次宋元詩選啟

徵萬柳堂詩文啟

請周翼徵篆刻圖章啟



徵刻今文選今文鈔啟

公請靈機和尚住善權啟

謝柯翰周惠爐扇啟

代友人謝送湖綿花褐選穎燈檠啟

謝友人賚安石榴啟

謝園次賚衣啟

謝劉王孫示西洋諸器詩啟

謝吳伯成明府賚酒米并炭啟

戲與李渭清索餅啟

卷五

序二十  
七首

瀛臺賜宴詩序

九日黑窰廠登高詩序

萬柳堂修禊倡和詩序

鄧孝威詩集序

冒無譽詩集序

龔介眉湘笙閣詩集序

董少楹詩集序

周鷹垂詩集序

佳山堂詩集序

林玉巖詩集序

錢寶汾詩集序

董蒼水詩集序

龐霽公詩集序

婁東顧商尹詩集序

徐昭華詩集序

孫赤崖瀋西草堂詩序

余鴻客金陵詠古詩序

藝圃詩序

汪季青詩稿序

戴無忝詩序

魏禹平詩序

胡智修詩序

方渭仁都門懷古詩序

家子厚關中紀游詩序

門人陳集生影樹樓詩序

宮紫玄先生春雨草堂詩序

歸田倡和詩序

卷六

序二十  
三首

周櫟園先生尺牘新鈔序

吳園次林蕙堂全集序

三芝集序

續臞菴集序

胡黃門其章先生葵錦堂集序

黃雲孫詩古文函青集序

方素伯集序

董得仲集序

吳天章蓮洋集序

陸懸圃文集序

宋楚鴻文集序

陸麗京文集序

謝別駕景韓醉白堂集序

太史五叔祖集唐序

椒峯弟詩經稿序

劉逸民學經草堂制藝序

儲雪持文集序

吳天篆賦稿序

毛貞女墮樓詩序

閨秀商嗣音詩序

葉井叔悼亡詩序

琴怨詩序

茹蕙集序

卷七

序二十  
四首

家皇士望遠曲序

亦山草堂南曲序

余澹心鴛鴦湖傳奇序

曹實庵咏物詞序

錢寶汾詞序

觀槿堂詞集序

黃編修庭表宮詞序

米紫來始存詞集序

莊澹菴先生長安春詞序

徐竹逸詞序

蒼梧詞序

浙西六家詞序

王良輔百首宮詞序

葉桐初詞序

金天石吳日干二子詞稿序

閻牛叟貫花詞序

蔣京少梧月詞序

吳初明雪篷詞序

楊聖期竹西詞序

吳曹三子疊韻詞序

今詞選序

歲寒詞小序

胡二齋擬古樂府序

樂府補題序

卷八

序十  
七首

壽季太翁八十序

崑山盛逸齋六十壽序

壽徐健庵先生序

壽閻再彭先生六十一序

贈閻梓勤二十初度序

徐母顧太夫人六十壽序

壽劉太母韓恭人九十序

葉母李太夫人六十壽序

賀徐立齋先生新陞總憲序



賀周樂園先生南還廣陵序

送汪考功鍾如給假省親序

送汪存庵廣文出都序

南耕席上送潘蓴菴入都序

贈陸翼王序

賀毛大可新納姬人序

顧元山印譜序

卷九

碑文一首

記一首

疏二首

誌銘一首

跋一首

題後一首

靈巖寺重建大殿碑

遂安方氏健松齋記

爲嘉禾闔郡士民募建羅天大醮疏

相國寺重建藏經閣募疏

王母張宜人墓誌銘

益都馮相國壽詩跋

題余淡心所藏龔端毅公詩卷後

卷十

祭文  
九首

誄四  
首

哀辭  
二首

像贊  
三首

祭王敬哉先生文

祭同學董文友文

公祭大司空在調周公文

祭侯仲衡先生文

公祭封侍御王太翁文

公祭同年陳子遜文

祭徐母顧太夫人文

公祭梁老師母吳夫人文

祭周侍御母夫人文

楊俊三誄

宣城文學施公誄

嘉定侯掌亭先生誄

尤母曹孺人誄

顧夫人哀辭

王母張儒人哀辭

楊忠烈像贊

鄧方壺像贊

胡牧長像贊

陳迦陵儷體文集卷一

宜與陳維崧其年誤

新城王士禛阮亭

選

弟

維岳緯雲

叅閱

崑山徐乾學健菴

宗石子萬

男履端

姪伊校

賦

璿璣玉衡賦

有序

御試第十名釋褐翰林院檢討

皇上御曆之十有八年闔澤覃敷湛恩汪濊剛柔克協配

兩天之無私健順攸宜卜萬年之有祐瑤樞夜朗

榮光上燭夫紫微珠斗宵澄瑞氣遙連夫黃道迢

迢閭闔共戴堯天肅肅勾陳俱環禹甸洵所謂樞

機在手衡量在心者矣況夫御宿芑高帝車色正  
朱鳶絕微咸歸覆幬之中金馬遐陬仍隸版圖之  
內烏空楚幕已知妖青之俱消鵲去巴江其稔稜  
氛之不作功符易簡德媿乾坤凡茲撫世以誠民  
悉本敬天而答昊備搜紀牒歷有規模作訛成易  
載於古帝之篇流火授衣誌自豳風之什太初洛  
下甫創員儀順帝張衡旋新渾象周髀卽蓋天之  
說旣虞勾股之難精術家傳宣夜之書益患參稽  
之多繆維兩說之無徵祇渾天之足據璣衡之設  
夔乎尚哉臣才非夢鳥生同捫籥之愚技止雕蟲  
坐遜挈壺之智矧授簡之自天益措躬之無地桃  
霏紅紙親從三殿以頒來柳染青鏤遙向九重而

捧至丹墀賜坐細艸成茵銀管分題宮花似幘期  
門四姓森森鷓鴣之刀扈蹕千官繚繚鳳凰之綬  
旣尚方之給札復光祿以傳餐詎意微才躬逢盛  
事揮毫月地難形月館之清虛挾蒸天邊莫悉天  
垣之瑋麗較虞喜安天之論多愧前賢倣陸倕刻  
漏之銘殊慚曩烈其辭曰

時惟季春律中姑洗

天子方建翠葆於蘭宮肅霓旌於蕙版命羲和以司晨令  
保章而戒旦瑤枝抽萸莢之莖玉漏滴蓮花之箭金徒則  
翼衛以逶迤銅史則驂鑿而漫衍旣乃出日華之邃殿昇  
測景之崇臺顧見渾儀陳於阼階爰賓宮僚駿奔走召鄒  
陽延枚叟臨軒而命之曰此卽璿璣玉衡有虞氏之所以

齊七政也爾諸臣其賦之余一人將前席以聽焉小臣固  
陋不揣懵昧鞠脞螻均摛詞以對夫何般總總以轆轤兮  
道則或赤而或黃也鴻琳琳焉幕歷兮環則或單而或雙  
也日月既出沒於躔度兮數則或弱而或強也四游復包  
絡以三辰兮儀則或陰而或陽也爾其剖異貝於鮫宮兮  
採竒姿於大秦七月於泉客兮輸夜光於海民聚之則  
璘璘而璀璨兮散之則的爍而晶熒溥溥若新荷之擎曉  
露兮纍纍若清歌之動微塵爰徵巧曆綴爲斯器上應五  
行旁羅四氣貫天經於圓軸以聯黃赤之交界天脊與地  
平以釐子午之次飛輪下墊扶輳極以常安激水生風像  
蟻盤之不滯爾乃細細縵縵經縷縱橫南北有秩東西有  
程赫乎若魼房琲甲飾綏纓也磊落崎崟崢嶸窈冥窅者

成窾凸者成陵塊乎若畦分罽布限觚稜也縟堆綺岫繡  
疊丹雘灼同霜旭駁若晴霞表延織女橫帶匏瓜聶提置  
閨媿嘗驗差烜乎若金塘玉沼茁鮮葩也况復用若轉圜  
形如欹案雖刳方以爲圓亦居卑而測遠陳於廷陛之側  
可以手摘星辰列於彝鼎之旁足以仰捫霄漢然而蒼蒼  
太始芒芒兩儀理窮象罔事涉熹微往來羸縮或一行守  
敬之所不能算晦明弦望或霍融姚信之所不能知縱靡  
愆夫圭撮獨懼失乎毫釐翳璿璣之旣設藉玉衡以窺之  
維彼上兮冰雪之精維彼衡兮準量之平質本無瑕形則  
同於簫簞美何妨楮價倍重於璜珩衡貫璣中聽低昂於  
南北軸居環內驗肫胸於虧盈有玉於斯睨而視之星則  
玉繩布天則翠幙低垂直視則珠顆斑斕綴銅丸之歷



歷遙挹則銀河清淺點檀靨之離離七曜分行錯雜撒杵  
間之子五奎聚井零星嵌軫畔之徽羅以爲胸昌谷囊中  
之句織之成樣若蘭錦上之詩我皇於是法古制律天  
時恢八絃奠四維翔渴烏於畫棟踐玉兔於文輓浮動如  
珠璐圜頰曜靈之景輕圓比彈瓊窗橫若木之枝紉卿雲  
兮賡復旦游化日兮洽重熙置之靈臺與大貝球刀而並  
重藏之宗廟其赤文綠字而俱垂倚歟休哉其綿億萬年  
之景運而鞏八百載之丕基也哉湛露濃兮朱顏醜絙瑤  
瑟兮彈雲和曲終拜手爲璿璣玉衡之歌歌曰我皇撰  
德備高深兮不貴異物遠枝淫兮渾儀肇始寧自今兮上  
天垂象聖則欽兮赫赫圓穹高難諶兮鯨鐘龍簏敞則瘖  
今夏鼎商杆邈難尋兮維形與器不可以久任兮辟王事

天單厥心兮詎藉冬官飾璆琳兮小臣矢音獻司箴兮



滕王閣賦

自昔沁水餘公主之園清漳有王孫之第藍田稱廢將之家青門實故侯之地家居小巷人傳丞相之賓田近南山客言太后之弟或北接銅街或南連金市況夫長樂貴胤東阿幼王苑齊博望系自平陽出龍樓而婉婉開朱邸以徜徉梁孝則廣通賓客蕭繹則雅善文章淮南則山名桂樹楚國則臺號高堂頃之則秦宮艸綠魏殿烟黃雖有子晉吹笙之館陳思挾瑟之場上黃侯之離臺別罔竟陵王之玉柱金觴亦復銷沉歇絕髣髴徬徨笙歌散兮風月盡亭榭虛兮羅綺傷沈初明之才情上通天而下涕陸士衡之意氣弔銅雀而霑裳是知世何人之不促人何世之能長徒賦哀於景福祗寄慨於靈光而已矣原夫滕王閣者

地接衡廬天分吳楚漢灌嬰洗馬之城晉殷羨投書之渚  
南昌乃三江之咽喉洪都亦五湖之門戶名藩旣竹木爲  
園愛子復芙蓉爲府徐劉應教依稀江上之簾櫳潘左陪  
軒隱約樓頭之簫鼓然而千年觀閣百代江山戴媯大去  
鄒子無還哀美人兮淚盡怨公子兮衣單念繁華兮何極  
悲花月兮難言沿夫明季之將衰也飛燕長安李花河北  
江陵之文武道消洛下之衣冠運息千重白馬之軍萬騎  
黑山之賊倚弓於鸚鵡窗前繫馬於鳳凰樓側空餘玉樹  
之悲猶見金人之泣繫結綺與臨春奚茲閣之如昔無何  
而皇清永奠玉燭初調吳明徹則投身周境庾子山則  
辭跡梁朝韓擒虎折衝軍壘溫子昇出入宮僚斥埃少烽  
烟之警士女多清晏之謠妙選重臣用綏江服庾征西以

重望特鎮武昌却太傅以名賢坐備姑孰領軍則秩擬儀  
同假節則位崇左僕蓋我蔡公實以御史大夫出領豫章  
爲一時名節度使焉時則四境無虞一軍多暇陶侃之姿  
制慨慷羊祜之標期儒雅溯疇曩而神傷顧景物而心寫  
撫靈構於前人嗣神工於來者眷斯閣以徘徊獨蘊情而  
瀟灑爰乃召輸般徵梗杵不煩將作之匠寧費水衡之錢  
結驚鸞之窈窕窮舞鳳之嫵媚儼雕囊之宛爾恍繡闥之  
依然伊左縈而右拂羗前紆而後旋爰乃朱樓綿亘綺疏  
葱蒨曲房宵竄高臺婉轉鑿桂榭之玲瓏撰華簷之繾綣  
勢未整而欲斜狀將翔而又變丹青圖畫有若神仙飾之  
翠羽錯以金鈿鴛鴦起於梁上玫瑰生於棟間斜通闌闔  
遙接平原俗類數錢之市地疑種玉之田田竇之居縹緲

金張之宅蟬聯則見夫紅粧美女青驄少年商民輻輳錢  
貝喧闐咿咿畫角之聲江城夜市歷歷紗窗之下秋水晴  
川一騎琵琶彈來檻外萬家燈火照去闌前於是闔府參  
佐之徒蟬翼翩翩丹輪的爍輕俊則庾氏肩吾雕華則劉  
家孝綽飛羽觴而凌亂眇長空而橫薄陪公讌於中天極  
勝遊於高閣維玉管與金簫遂臨風而競作則有澄波噴  
欲洪濤渺茫江名彭蠡湖曰鄱陽賈客黃龍之舳估師朱  
雀之航蕩子以明珠作楫倡家以白玉爲檣西風起兮鳧  
雁飛烟波冷兮菱芡長垂畫簾於江上擊大鼓於中塘又  
若南浦層巒西山崇嶺香鑪幽邃以逶迤石鏡礪柯而溟  
泮洪崖虧蔽夫金梯匡廬隱現夫丹井朝暉無自匿之鮮  
玄夜有長舒之景援言巖畔之寒欬訝山間之冷萃棖與

碧嶂俱懸綺戶與翠微相映爰乃肆開朱牖盡啟羅幃玉  
顏既醉銀箏未收幕府筵終臨高臺而懷古元戎晝靜列  
巨艦而悲虜思夫帝子旌旗兮風流相賞江山文藻兮賓  
朋俯仰金棗長埋兮銀蠶猶朗朱門寂寞兮淶池惆悵惟  
物華之如故兮悼斯人之一往悲舞館與歌樓兮但長天  
之明爽思夫閻公綦戟兮都督簪纓子安詞賦兮文筆縱  
橫將軍愛士兮年少能文藝林勝事兮末座知名彼星移  
而物換兮見水綠而山青悵賢王之臺榭兮想詞客之生  
平於斯時也悲不自勝泣將何及王長史之登山悵眺極  
多衛叔寶之渡江蒼茫交集矧復羈人顛頓塞客參差何  
年泣別幾處相思攀桃李兮三千里贈薜蘿兮十二時目  
斷擣衣之信魂消織錦之詞又或王粲從軍徐陵負羽官



道置餞東門出祖參軍之供帳傾城都護之刀環極浦別  
蛾眉兮在二八望龍額兮在三五更或妾家燕趙君住河  
汾君憐紅粉妾念羅裙製艷曲兮未敢忘懷異香兮不忍  
薰抱衾裯兮獨宿冀砧杵兮相聞正復登高望遠覩物懷  
人倚危闌而躑躅臨複閣而逡巡公乃憑檻而歌振衣而  
顧授簡鄒枚使爲之賦賦曰飛觀鬱嵯峨平臺捫蔦蘿杳  
思還却月屈戌正橫波金尊應對酒玉貌恰當歌絕殊三  
閣外秋雨剪輕羅又曰千秋聞此閣形勝據名邦檻下芙  
渠並樓頭蛺蝶雙王侯不可見花月爲誰長朱闌七十二  
面面落空江僕本恨人遭逢苦辛潘岳騎省之年尚餘一  
歲陸厥凋零之日已過三齡未躬逢夫讌會徒馳想夫風  
雲王門養炬抽筆於茂弘之座謝家覽舉揮毫於安石之

庭

茂弘安石謂叔祖實菴太史也

五

遂乃終起而為之亂曰滕王閣兮江

之汜作巨鎮兮奠方軌邦之人兮康且喜風俗醇兮政事

美公之德兮在南紀長無極兮永終祀

此題作序易作賦難作滕王閣賦易作重脩滕王閣賦

難其年此製體勢驟密與會標舉正復三河年少意氣

自豪子安不得擅美於前矣

宋今礎先生評

子安一序文采颯炳然初唐儷語已屬徐庾下游敢云

賦家之囊括包舉耶今讀其年大篇擅閱攬之典物抱

清迥之明心足使江記室慚其英蕤鮑叅軍慙其特秀

豈非南州之弁冕洪都之鉅麗乎

方外坻

壬辰秋余過章江宿石亭寺者二旬面對西山比隣滕

閣與王子白虹時時訪其遺址惟蔓艸荒烟殘碑剩礎

而已求所謂畫棟珠簾無有也惟秋水長天迄今不改  
聞蔡公更新後草區禽族咸發富宏恨不得登眺其上  
今讀其年賦飄飄有凌雲之氣其宮商朱紫隨勢各配  
使人如見建章千門萬戶也至乃發端遒麗神似仲宣  
壯采來逢不殊徐幹縟理有餘有景純之綺巧情韻不  
匱兼袁宏之梗概矣

弟吳錦雯

予少游滕王閣西山南浦迷離烟月間今屈指將二十  
年章門風景猶在夢寐常賦春感詩末句云夜游苦憶  
滕王閣白日朱欄映彩衣今讀此篇不勝滄海之感至  
其含吐膏華卷舒雲霧卓然上掩六代盧前王後何足  
以位之

弟研德

述祖德賦

爲安丘張杞園作也杞園高曾以來代有盛德維  
崧乃爲斯賦賦曰

牟山龍嵒濉水汪洋犖子魚擲金之所趙邠卿賣餅之鄉  
則有天上張星人間公子舊家漂母祠旁夙住淮王城裡  
常負笈於中原遂卜居於仁里龜因食墨以相攸鶯爲遷  
喬而戾止時則灣名凉水莊號高柯小沛則田廬不別新  
豐則巷陌無訛陸氏之弟兄宅惟列屋杜家之少長郡夾  
長河椒聊衍以愈碩瓜瓞縣而更多葢淮南張氏之在安  
丘者遼乎 equal 乎代不知其幾何也恒逃覽夫八垓更疏觀  
乎千禩疇藝菽以得麻疇種松而遇枳葦門生執戟之郎  
戟戶有負薪之子廷堅之祀忽諸若敖之鬼餒矣雖天道

之循環實人謀之臧否惟福善與禍淫益鑒觀之甚咫術  
寧尚假於筮筮理更何煩夫卜筮閱數禁而武安勢隆隆  
其將起且夫榘栴欲直故屈其枝鵬鶚將翔暫愚其色老  
其拔地之材厚厥培風之翼以武安之窮經暨東津之種  
德徒誇翰墨之勳未食詩書之力固履運之將亨抑遭時  
之尚塞惟奮夫之終畝賴髦士之蒸蒸彼前賢之演胙需  
式穀之繩繩命以基而始固福以歛而逾增驗高門而若  
券規近事以彌徵粲粲文林煌煌寰海藝苑君宗人倫模  
楷檢身則跬步矜莊御物則丰稜耿介恂恂執玉之容抑  
抑循牆之戒爾乃禮遵內則卦揲中孚筴史巫之紛若秉  
忠信以威如少艾誰欣韞櫝保千金之璧襍祥不惑揮鋤  
唾徑寸之珠

霖海公常有還妾之事又公生平不信禍福常因卜宅夢一老嫗告曰庇公字下久幸勿

遷我當有以相報及破土見蛇蜿蜒以千百計公曰是捐  
疇昔之入夢者乎雖明月之珠我何愛焉卒移置中野捐  
長物於生前人安忍負返遺貲於沒後信不能渝公晚年以橐中  
千金裝付一族長者曰吾兒幼待其成立還之不此公細  
則若自取之耳後諸孤長者卒不忍負還其金此公細  
行之昭昭而大端之皦皦者乎於是天牖其衷夢呈其貌  
五福齊臻千祥並告庭來賈氏之彪室有桓家之豹蛇蟠  
笥上知爲將貴之徵蛟吐懷中識是能文之兆詎期千載  
而還復得三張之號伯兮嶽嶽季也觥觥暨夫仲子實號  
三張時則族望淹華門墻清峻長兄旣綉虎羅胸季弟復  
高蟬陪鬢客到集賢之里鶴益成圍人過通德之坊犢車  
成陣烏啼府畔遙知御史之家鷁畫船頭羣問孝廉之信  
揮毫空齊魯之場持斧下江淮之郡繫次公之積學屬時  
譽之推賢才邁班揚以上身居季孟之間第五則何慚驪

騎盈川則詎愧盧前射策而名喧日下談經而聲溢天邊

況彼鯉庭仍生驥子階既名蘭園還字杞髫齡讀諸父之

書壯歲撰一家之史思親則獨行溪淳迷祖則高文清綺

夫乃愴孝廉之早塲悲大阮之先零僅馳情於想像終結

念於生平園中之橘刺藤稍游踪儼在楮上之龍跳虎卧

手澤如生抱蔓摘瓜腸斷道傍之瓠求魚緣木人傳樹下

之羹孝廉公果菰將熟必先奉母常行圃中見遺菰在地

愀然曰誰先吾母食乎遂抱蔓歸又一日獲嘉魚將

薦几筵庖人不知誤以入饌公覆羹瘞若夫遠泛淮揚長

之種樹其上土人至今名之為魚樹焉

驅恒代企季父之勲名訪清卿之梗概殘旗凍鼓天雄之

涕淚恒新古戍空營魏博之謳歌斯在權釅而續奏熬波  
轉餉而功成賦海相逢南國之舊人盡說西臺之遺愛既  
而還轅稷下返轡渠丘愷明經之耆德溯厥考之貽謀嵇

中散琴絃餘音未杳徐景山酒器殘瀝仍留四壁竒香尚

繪宣和之博古萬竿風竹猶傳墨派於湖州一聞松雪之

名情溪栢棖但見葡萄之樹淚滴松楸

明經公生時有葡萄之兆故字漢葡萄

晚又號松雪老人能不景前微之未沫而悟來軫之方道也哉瞻

此庭柯臨風歎嗟三辰急景四節流波陶彭澤之田園荒

蕪已甚庾子山之家世惆悵如何懼前修之莫紹苦去日

之孔多然而于氏門邊千年喬木欒公社上百尺藤蘿定

知平子之遺代皆擊轂預決伯松之後人盡鳴珂家和在

陰之鶴塾留時術之蛾染翰方終已爲鳳由作賦濡毫有

待爰因鵲起興歌歌曰安丘之山鬱然蒼兮安丘之水浩

無方兮疇爲寓公臨淮張兮山高水深並無疆兮宜爾子

孫永悅康兮



卷之三十一

三

三

憺園賦

東海先生西清學士砥信懷貞處仁敦義里名通德之鄉  
居作華陰之市傳家而聖本駒王邁種而人呼麟子並附  
則無林不桂五竇寧除連枝則何樹非瓊雙丁詎擬有張  
氏之長公乃楊家之伯起爾乃直對銅街袞延綉陌巷控  
三條衢交五劇中高定國之間旁置當時之驛後包董相  
之園前枕晏嬰之宅於是人青瑣度綠墀撼屈戍搖翠恩  
啟橫門之窳窳遵修美之逶迤巷緣折而多誤徑以遼而  
轉疲忽粉垣之娟然援幽荔以障之步屨將窮漸近聽鸚  
之館藥闌乍人已親鬪鴨之陂至則未暇數池臺之纂歷  
也而先髣髴夫樹石之離竒樹則枯杉十畝老栢千章皮  
皴半裂腹豁全僵黃偏着雨丹只酣霜支離困蠢跋扈昂

藏蚪蚪縱橫半程邈李潮之隸蛟螭拏攫是竹王木客之  
裝石則九點恒青一拳彌秀篁借啼斑玉由血繡蘚蝕紅  
羊苔纏碧獸羸政鞭餘媧皇煉就怪同齊女之瘤醜類丈  
人之僕叱來仙子堪爲韻士之供射自將軍可作高人之  
漱然而旣饒老木須蔭澄潭不遇清流空堆錦石此司州  
印渚尤欣浩淼之觀莊叟濠梁酷愛淪漣之色也爾則鏡  
影一奩穀紋半榻浪滑如酥波平頽削菱礙槩而綠柔菱  
觸舷而蔓弱凌冬而荻緯蕭蕭涉夏而荷粧灼灼半篙卵  
色染四面之房櫳萬片魚鱗皴兩邊之樓閣時則繚之綺  
舍嵌以精廬環池以憇夾浦而居紺榭鏤楹視花光爲疎  
密長欄覆道依草態以縈紆旣燠房之奧窈亦涼館之虛  
無雲淡而篁粉松脂盡粘帷幙月上而簾鈎牕網總落菰

蒲而或者臨河脈脈一葦何從隔水盈盈終朝徒望爰童  
鳥鵲之毛頓截虹霓之狀爾乃雁齒齊排鼉梁載上鏡湖  
則卧以朱欄沙檻則委之綠浪修廊善縞千迴機上之紋  
短狃恒斜四角盤中之樣界破碧鷗之宅常隔東西派開  
紅藕之村自成三兩更橋畔以娑娑值東風之駘宕踈地  
而桺線千絲拂衣而楊花一桁川觀甫歇巖趣彌適乃攀  
峭閣用眺層丘倏八窗之競闢已萬壑之爭流春人徧野  
春山滿樓春萸被隴春羽盈疇冷節鞦韆戲鼓酒旗之會  
叢祠賽社巫簫蠻管之游茜袂成羣盡綿芊於嶺岫黛衫  
作隊頻掩映夫松楸能不結遙情之亶亶而增逸興之悠  
悠也哉夫其座列古歡家怪長物峻只書滌預惟左癖問  
樗蒲之幾齒畧未經心詢奴價之若何曾誰關臆絕無他

嗜寧吹潘岳之笙并鮮閒情詎蠟阮孚之履錦暉則卷別  
朱黃銀匱則厨分甲乙左太冲之籒溷置筆札以何疲王  
仲壬之書籤粘戶庭而奚擇四部五部蘇駁苔斑一甌兩  
瓶蠅黃蝨碧誰羨王根之邸第翡翠千重寧誇石尉之園  
亭珊瑚七尺積書巖下津逮聯翩太學碑前肩摩絡繹囊  
螢多借讀之人懷餅有就鈔之客况復道類太丘人如元  
禮戶罕雜賓門盈好事國僑季礼彬彬縞紵之交任昉范  
雲落落雲霞之氣雍容宛雒之生徒錯遯汝南之車騎麟  
衫艾綬顧盼非常欄具急裝衣冠偉麗風前綉幟獨孤側  
帽而來花外朱輪丞相小車而至至夫烟澄昃景霜耀新  
曦乍援棣萼或合荆枝愁怡顏之子舍經伏臘之家祠情  
曠恨其不聯心躊躇而自思繫昔經營匪求厥寧園因母

構檐以安名慶芳萱之韶麗欣寸草之敷榮奉板輿而登  
降戲萊彩以將迎歲月幾何馳光逝波星姬蝕昴月姊沉  
河纏悲曷極茹痛何多最怯鶻啼似應皋魚之泣尤增鶯  
嘆疑賡原壤之歌遂使春相無聞祥琴輟御橘垂園內永  
無陸績之歡莪在蒿中彌厯王哀之慕怪春花之萬朶何  
事殷紅訝秋月之一規居然縞素池邊躍鯉貽向誰人林  
際放麕歸於何處朝朝毀瘠蒼烏翔以還來夜夜攀號白  
鶴馴而不去



銅雀瓦賦

魏帳未懸鄴臺初築復道衰延綺窗交屬雕囊綉棟矗十里之粧樓金埒銅溝響六宮之脂盃庭栖比翼之禽戶種相思之木馭娑前殿遜彼清陰栢梁舊寢啜其跼蹙無何而墓田渺渺風雨離離泣三千之粉黛傷二八之蛾眉雖有彈碁愛子傅粉佳兒分香妙伎賣履妖姬與夫楊林之羅襪西陵之玉肌無不烟消灰滅矢激星移何暇問黃初之軼事銅雀之荒基也哉春草黃復綠漳流去不還只有千年遺瓦在曾向高臺覆玉顏



Vertical text columns on the right side of the page, partially obscured by a dark horizontal band.

Vertical text columns in the middle section of the page, partially obscured by a dark horizontal band.

Vertical text columns on the left side of the page, partially obscured by a dark horizontal band.

半繭園賦

繭園者崑山葉水部白泉先生之別墅也水部公  
沒後園析而爲三仲子九來於其所受之半葺而  
新之名半繭園維崧暇日偕二三賓侶游焉遂援  
筆而爲之賦賦曰

將欲包沁水以爲園控終南而建第規天上之鼉梁倣人  
間之鶴市王根則青瑣千門樊重則雕櫳百里啣梓澤之  
非華陋蘭亭之未麗然而逖覽龍編遐稽螭晷臺邊之金  
爵能飛街上之銅駝善徙青天歷歷虛無鬼窟之毫碧澗  
茫茫髣髴蜃樓之氣何如巢父巢中得偃息之鄉豈若壺  
公壺內有棲遲之地則有文莊後裔崑岑大儒受屢鹿邑  
呼名鳳雛門來好事家多賜書貂蟬七葉蘭錡三吳遂乃

性僻蕭棲人耽高蹈築室城隈結廬溪隩境以窄而彌幽  
地當偏而益妙阮籍則居隣酒壚稽康則室餘鍛竈爨不  
餽以何松稅非雕而奚漆纔克魚鴨之租僅足鶴猿之料  
羃歷青袍之艸粗可承裊萋迷紅綬之桃差能妨帽森栢  
駮娑崢泓坦迤一瓢日月十笏山河參差礪岫繚繞巖阿  
蒙茸芳援斑駁晴莎當其運風斤於匠石宛若抽妙緒於  
媯娥魯般則縑其鳳鑷郢人乃經彼龍梭乍粉椽而綺密  
漸褰績而星羅名曰繭園於焉獻歌夫其蘭坡鬱律蘅皋  
汜濩涉約尋蹊臨碕選路馮賤沫以騰珠瀑懸崖而振素  
積百頃之澄潭得千章之老樹驚湍則燠館凝霜激瀨則  
晴簷沸雨洞開北牖直面層岡巘將頽而未落磴欲仄以  
還翔盤均則三危鳥道擁腫則九折羊腸栝栢則夔吐魃

睽松杉則兕踣熊僵翩其反而擢石華於粉壁日之夕矣  
渲嵐彩於閭房爾迺繚曲徑以西遵徼周欄而右轉浮黛  
榭於淥波嵌青墻於鐵蘚篁遮皂筴之橋花隱蒲桃之館  
頽陽睨交網以澄鮮朏映綺疏而蹇產更若橫石梁而  
左渡躋復道之崇臺赤欄平而礙枿金梯滑以扶梅攀條  
而干枝近手摘葢而萬朶承釵翩更涉夫殊庭投霽目於  
林垆攬稻畦之一碧挹麥隴之遙青樵琮琤而出谷漁欸  
乃以揚舲詢林端之白象青鶯誰朝壤剝問原上之金鳧  
銀雁疇氏荒陵固已悟浮生之一致能無慨大塊之殊形  
日麗烟和風光淡迤東隣秀鬢南國濃蛾新粧下蔡巧笑  
陽阿入如初日思比流波亦復出瓊鋪而掩冉入金谷以  
倚儺髻臨風而綠偃衫映水而紅拖乍匿叢而展謔或藉

弁以聽歌更有顛顛末賓羈孤猥士十年之書劍未成一  
夕之悲歌忽起名久列夫瑤籤遇難逢夫石髓駢行國以  
相羊暫窺園而徙倚加以華陰道士少室名僧仙客則修  
琴三市異人則賣藥諸陵趙代之鳴箏躡屣幽并之挾彈  
呼鷹豪家借歌舞之場紅么一曲上日炫綺羅之會綠醕  
三升莫不綉鞋絳繡鞞縱橫慕原嘗之意氣託袁灌以  
生平於是俯清川眺碧嶂菽蘭肴斟桂釀百嬌激蓮子之  
壺獨鹿舞蔗竿之杖短簫則燭下淒清長笛則關邊寥亮  
忽若木之將淪已素娥之欲上喟粉練之斜縈攪沉思於  
夜情撫長宵之烟月追曩日之軒楹墅尚未乞於羊曇宅  
猶未割夫郗成洛下之機雲則弟兄並宇山陰之羲獻則  
少長隨行曾四節之如馳匪昔年之盛時燕分泥於故壘

鷗通夢於隣池將毋類山間之圓魄亦每因弦望以盈虧也耶主人乃拂衣而起憑軒而玩屬坐客使盡觴命鄙人而爲亂觀乎止矣何須後算之全顧而樂之已復前游之半



看奕軒賦

若夫北坵靜溪南榮巖岨逶迤皂笈之橋窳窳卒夸之館  
藤梢礙帽以誰扶橘刺牽衣而莫剪廬同諸葛門前之桑  
已猗猗家類王陽墻外之棗何纂纂花名蠲忿以枝長竹  
號掃愁而節短何況宅區前後街距東西東方小婦仲孺  
賢妻壁帶則銀缸不異門楣則畫戟偏齊多子之石榴對  
結相思之嬌鳥雙棲楊子幼種豆之餘缶箏互響陶淵明  
采菊之暇棗栗紛携爰有桓家阿買李氏袞師或挽鬚以  
問或繞膝而嬉膠東則五色之錦箋競劈醴陵則一枝之  
花管分題洵可懷也於胥樂兮旣乃眺長洲之鹿苑惆悵  
絕多張廷尉之雀羅感愴不少田單之功名何在無意游  
齊廉頗之忼慨猶存還思用趙燕丹往矣賣漸離爲宋子



家奴卓氏依然雜司馬於成都傭保天哀韓愈之窮鬼奪  
柳州之巧矧復三湘浪駭六詔烟迷田園烽火鄉關鼓鼙  
嗟巢幕而爲燕歎觸藩其類抵杜老則堂無鵝鴨於陵則  
井有螭躡於是尠焉寡歡悄然不憚爰葺斯軒聊云看奕  
然而寂寂虛堂寥寥短几旣無坐隱之賓復鮮手談之器  
潛闕而不見爛柯竊聽而誰聞落子幾同莊叟之寓言莫  
測醉翁之微意嗚呼噫嘻我知其旨世一龍而一蛇運或  
流而或峙彼賭宣城之太守者公豈其人而看棋局於長  
安者古寧無是耶先生不應欠伸而起亟命傳觴頽然醉  
矣

瑞木賦

瑞木賦者陽羨陳維崧之所作也壬寅夏四月之  
吉少司農周櫟園先生葬其太翁如山先生太母  
朱太夫人於鍾山北瑣石之陽輻車旣駕虞歌將  
闋司農痛音容之杳邈脞膚翼以躊躇淒戀衷衷  
撫視備至見太夫人匱底異紋鬱起作竒石狀其  
上卉木蓊翳樛枝縈拂嘉條攢布觀者萬人咸稱  
靈瑞維崧乃殫思渺慮撰爲斯賦以俟采風者錄  
焉其詞曰

昨汝南之萃冑兮叶歸昌之姬憇歷日月而颺聲兮代羽  
儀於王國懿鴻鈞之幹運兮允無頗其埏埴初綿飈於大  
梁兮旣里仁於南服繫哲考之誕降兮緬純淑之嘉則繡

余芳之蓋蓋兮竦余身以正直王姬撰吉日而釐降兮詠  
蘋蘩之孔嘉館朝築夫穠李兮頌夕獻夫椒華攬百禮其  
靡愆兮紛總總其珩牙奉槃匱而克相兮流徽音於笄珈  
維坤儀之溫粹兮爰降康之實多皇覽錫厥祚胤兮芬屏  
嚮於幽遐孕星精而踐夢兮撫若木以委佗爾君子之端  
慤兮獨懷仁而抱義餐翰墨以爲糧兮紉夜珠以爲佩夜  
袒免以擗踊兮旦洗瀾以愴神聖瓊石之高崗兮蔚乎百  
年之佳城背攝山而表延兮欲淮水以崢泓墨人旣協之  
以吉兮簪氏復告之以貞厥厥車於山椒兮虞歌鏘其淒  
鳴馬遲回而不前兮旒差池而顧慕裳衣颺而復停兮清  
酤設而未御倚墓門而悚惕兮臨窆穴以沉思撫綠鐔而  
抽裂兮淚覆面而沾頤羗蛇行而鼠泣兮流觀乎唐嬰之

周坻斲折髓而不任趾兮蹠深墨焉其覲之呼天只而無  
聲兮旋至於母氏之玄堂臚竒理之鑿削兮倘悅乎竹石  
之縱橫其爲狀也裕裕芊芊非雲非烟褰縹戍削屈撓璘  
嫵難得而殫稱焉鴻淋淋兮詭汨汨兮閤砢乎若深崖幽  
壑霜皴雷剝龍質而虎章棧鬱乎若枯櫟病栝抗峯冠日  
欲偃而難僵溶兮沆兮夏雲襜褕披雲錦而下張歲兮蕤  
兮九苞勃窣縹綉臆而高翔爾其擢纖柯以嫵媚兮聳修  
條之鬚髯則孝子之白華也爾其漱綠葉之澹淡兮揚素  
莖於陂陀則詩人之蓼莪也爾其挺虬龍之異姿兮學松  
栢之遺直則忠臣之屈軼也吾聞庶人之純孝兮澤林茂  
而浮珍舒怪草秀於階闥兮漢潛出其神魚又聞先民之  
列傳兮躬負土而爲塋屹峇嶺之五尺兮松竹蓊焉而自

生未若茲之顯瑞兮心猶豫而狐疑言握粟而出卜兮召  
太人其占之占曰天錫公純嘏苾苾芬芬是剝是饗神保  
是將俾爾熾而昌又曰母氏之德維其偕矣庶草蕃蕪答  
嘉祉矣和氣致祥靡所違矣子孫篤之是以有慶矣亂曰  
非惟篤之又汜布濩之一家之吉兆在萬方帝開左个喬  
喬皇皇爰立作相之紀之綱山出器車藪游鳳凰竒木效  
順朱莖呈芳百靈調和四民悅康輔佐緝熙比隆陶唐

白秋海棠賦

巢民先生齋中有白秋海棠花余愛其姿制娟靜而神理柔楚乃爲茲賦賦曰

有逍遙客卿者生於莫愁之村長於忘憂之館懊儂之聲既輟合歡之竿常滿放誕優游蕭條閑散藝唐棣之翩翩種棗樹之纂纂同心則梔子爲徒蠲忿則萱花是伴一日者過幽憂公子之廬而款焉公子門無車騎室有琴書夙喜野卉雜蒔芳蔬樹名貞女木號隱夫靈均爲九畹之圃泉明有五柳之居於陵則灌園自食兒寬則帶經而鋤爰有一種布於階砌靡曼綿芊柔明清麗姣如好女姿首異制施粉大白倚秋而綴客卿見而問曰此非所謂秋海棠乎厥名斷腸思婦所變葉如其衣花如其面一云怨女淚

染所成生於墻下海棠爲名洵哀離之微物而閨齋之幽情也公子胡若是翫之曷不徙於忘情之域移於無何有之鄉仰天歌烏樂且未央公子膝席而起揖客而語曰客何見之晚也且夫僕本恨人秋多悲氣秋臨水以登山人懷讒而畏誹扇淒馨以自攄抱幽芳而相慰才人以薄命稱珍小物以傷心見貴矧夫白者迴出尋常亭亭別館泫泫迴廊南朝妙伎西曲名倡蕙心緯繡紈質飄颺輕紅初退暈碧相當無心約翠息意安黃顏如號國色配何郎時披寶蒜斜傍銀墻隔珠簾而勿眇入明鏡以微茫秋雨則朝朝界粉秋風則夜夜飛霜疇不悄焉魂與黯然神傷鑒此淒清之色憐其寂寞之粧羌乃妾住江南君家河北君戀鉛華妾辭雕飾臨銅黛以傷神撫水絃而沾臆驗榴裙

之淚點不是胭脂看薇帳之情人無顏色若夫班姬失  
寵陳后辭恩齊紈有恨金屋奚言着方空而嘆息掛曲瓊  
而煩冤羅與綺兮嬌暮秋珠與玉兮泣黃昏化爲皓魄宛  
爾芳魂至於蔡琰無家王嬙作客永訣京華長依蠻貉寄  
血淚於琵琶寫哀情於笳拍紫臺則山河俱縞青海則關  
城盡白流玉筋之縱橫恐白頭之棄擲倘作望夫之石月  
是形容如過妬婦之津雪爲魂魄若斯之類賦不及誇莫  
不懷貞抱慤絕纈離瑕怨良人之不見願廓處以長嗟倚  
微風而延佇恐白日之西斜豈與夫纓桃綺麗荳蔻驕奢  
桃李倡家之樹菖蒲蕩子之花松柏則年年繫馬楊柳則  
夜夜藏鴉所可方其婀娜並此芬華也哉客卿曰善湘吳  
旣耐朱顏半醺攀枝折條相和而歌歌曰秋旣晏兮夜已



沉白露下兮青楓林  
愴佳期兮悵難尋  
玩幽姿兮思愔愔  
物猶如此兮人何以任

白丁香花賦

有小序

余居停主人蔣元膚砌畔種有此花三春欲暮花  
開似雪元膚隔牆呼飲并言每歲有紫花半樹交  
枝並耐掩映殊佳今紫者萎矣屬予有騎省之悼  
一聆斯語泫然不知涕泗之何從也聊爲賦之

爾其花壓半簷香籠一樹蒼小偏嬌苞織逾嬋牆邊寂寂  
雪狸亂撲以疑無月底瓏瓏白燕深藏而易誤何曾肥艷  
鬪門外之梨花絕不輕狂趁陌頭之柳絮數枝暗坼三更  
之銀漏同清萬朵爭開十丈之紅樓頓素甫麗歟以酥融  
旋紛披而綺互初掩冉以臨風復矜潺而怯雨况復銅駝  
巷側丹鳳城隈春深緩去夏淺徐來訝雕欄之鮮杏憐綺  
閣之無梅候尚遲夫芍藥節未屆乎玫瑰此花於是呈皓

質綻瓊腮歌宛轉舞毬春無霜兮霜泥泥晝少月兮月

皚皚越艷聞名喚作枕邊之墜珥

江左呼婦人耳璫爲丁香

燕姬擢首

折爲馬上之橫釵何能不翫茗華而製賦彫玉樹以停杯也哉疇昔之年雙花可憐參差並媚攬抱交妍條紫姑之不見俄紫玉之成烟花謝兮紫臺難到月沈兮紫府難圓賸一堆之粉淚濕萬縷之香綿桐是孤生莫綰同心之結藥名獨活空思續命之緣惜化離於綺節就惆悵於哀絃春去兮堂堂花開兮斷腸願將花下土燒作紫鴛鴦

陳迦陵儷體文集卷二

宜與陳維崧其年誤

長洲汪琬鈍菴

選

秀水朱彝尊竹垞

弟

維岳緯雲

參閱

宗石子萬

男履端

校

姪

淨

頌書

平滇頌

恭惟 皇帝陛下履泰承乾繼離出震春温秋肅德符蒼  
昊以俱穹西被東漸績比黃輿而並博巍巍蕩蕩帝德難  
名祗祗威威皇靈有赫卿雲似蓋晨團姚后之鄉甘露如  
珠曉湛姬王之甕聲教訖九圍之內典章邁百辟而前固

已遐陬異域獻狀鴻臚絕徼殊邦編名屬國驗東風而受  
隸碧帑克庭測海水以來王赤車集闕者矣獨此狡焉忘  
其蕞爾凶踰射日久倔强於九隆六詔之間惡甚詛天漸  
咆哮於昫町哀牢之國始也鬼惟營窟俄焉虎乃負嵎加  
之羣藩逞犄角之圖因而三檠鼓連雞之勢杜弢之衆不  
過流民馬騰之軍無非乞活髦牛笮馬遘此淪胥靡莫苴  
蘭遭斯荼酷此則普天率土咸切同讐負氣含靈無非共  
憤三辰之所不佑九伐之所必懲然而 帝曰無庸 皇  
惟不怒彎雄弧而誓將首殲蛇豕聲援倚長劍以興師先  
剪蚍蜉種類蒼頭長鬣叱咤風雲戰艦戈船憑陵霄漢蠡  
旗西指則殲函之千嶂都開犀甲南征則甌粵之百城齊  
下一揮青兕交廣歸誠再濯黃龍巴巫效命屬渠魁之稔

惡尋巨憝之逋誅王敦跋扈詎漏天殃蘇峻梟雄先嬰鬼  
僂爰是梯衝亂舞以蹙危疆鼓角狂吟而追枉矢霆轟電  
晝影翻鐵索之橋海走山飛聲振銅標之柱母波雜種立  
致土崩莊躄何人終於獸駭遂以康熙二十年十月二十  
八日恢我邊疆入其郭郭蚩尤肩髀狼籍於深溪密箐之  
間袁尚頭顱顛踣於邃谷殘崖之次惇惇狂穉赴此灰釘  
孑孑童駮隨爲菹醢僉萬指歡呼於葛相祠邊蒟醬干  
髡大酺於夔王碑下山川重秀天地再清蓋逆賊吳三桂  
者勝國微員前朝末將向者蹠穿膝暴原無勃蘓報主之  
誠當時擊楫臨風寧同祖逖勤王之志徒以耽情優笑蠱  
慮妖淫石崇之嬖幸辱在兵間羊侃之侍人歸於幢主窮  
而投我饑則附人魯國豎牛之惡肇始童牙魏時司馬之

心彰於行路且夫圈牢小物祇工鳴吠之長絳鍤微姿僅  
備驅除之用本朝坦懷覆幬大度優容本無疑忌啟漢皇  
信越之嫌并鮮雄猜召明室胡藍之釁是卽處之冗散猶  
當銜感如天秩以寬閑尚足蒙羞入地何況非親非懿寵  
被山河爾公爾侯勲侔帶礪爵冠樊鄴而上名叅寇賈之  
班毛郈魯衛視彼親藩羽葆旌旄升於大國國恩已甚天  
眷原奢而乃妄矜螳臂濫干赤族之誅恣効鴟張自作湛  
宗之孽假僭竊以肆其無聊作披猖以益其老悖危亡相  
續糜爛爲期能無刊之九鼎準禱杙以同奸鑿在千秋與  
共咬而比慝者歟臣欣逢盛事敢矢雅音頌曰

於爍皇清孚於函夏燿火升烟熋蕭奏假鳧人縵樂笙師

吹雅萬邦棣棣執籥侑<sub>章一</sub>臘祭而膺旱祭而雩隴多馴

雉澤有騶虞誓衅爾甲誓卧爾袍日靡有孽苞庶同莫厥

家

二章

遏彼蠻髦竄於炎荒梗我聲教侮我斃章弗賓弗庭

為蝨為痒日爾居維何昆池瀾滄

三章

昆池浩浩育此鯢鯢

瀾滄濯濯舞此疏雞糜我芻茭哀我旄倪誰生厲階八年

於斯

四章

帝赫斯怒爰奮厥武虔劉疆豕張皇虢虎蹙蹈巴

巫騰驤荆楚百萬糾桓屯於城下

五章

匪堅曷攻不攻而摧

匪峻曷踰弗踰而開降其脅從殲彼渠魁變舞渝歌山呼

子來

六章

捷書宵奏敬告山陵類於上帝時我嘗烝紫燄噓

呵隨風而升瀆鬼嶽祗恍况凌兢

七章

乃赦天下俾大歡喜

復租賜爵刷摩垢滓毗蜡於郊商歌於市皇清有祐於萬

年祀

八章



[The main body of the page contains several columns of extremely faint, illegible text, likely bleed-through from the reverse side of the paper. The text is too light to be transcribed accurately.]

禮泉頌

代

總督三省尚書白公宿應鈞陳星躔華蓋弓刀褒鄂從龍  
居日月之鄉甲第崔盧躍馬得風雲之氣陶太尉門地尤  
高專作八州之督郭令公班資最貴親總九路之師籌邊  
而玉帳摩天料武而金笳沸地於是盧龍城上獨設雄關  
涿鹿州前還開策府矧幟海實神京之臂指至宛雒尤天  
下之咽喉齊宮魯殿悉凜兵符榮澤敖倉咸遵節制若恒  
嶽若岱嶽若嵩嶽朱旗殷日一歸統轄之中爲冀州爲交  
州爲豫州鐵騎嘶風羣在指麾之下公則望重甘霖化弘  
時雨躬斟大斗以膏黍苗手挽銀河而洗兵馬廉泉不竭  
吏民沾濯漑之需古井無波掾佐飲汪洋之度無何而邑  
多管井廛盡馘泉公於署旁親加相度畚鍤甫及渟泓已

盈先是我公會徵吉夢陽休之將登三事夢見蓮花達奚  
武正典同州夢邀甘澍公則天尅聖水兆始他年神灌香  
河祥呈今日甘同玉女之漿清比康王之谷徘徊嘉歎顧  
而樂之夫橘井鮑姑徒誇諺誕球欄綺榦祇益奢靡靡有  
當於休嘉究何關於盛德至夫張陸二宅井以人名瑯琊  
兩山泉因釀著亦第文士之風流詎屬名賢之感召若乃  
廣利貳師拔佩刀而山泉自出耿恭疏勒正衣冠而井水  
橫流忠誠動夫天地語豈誣乎志氣協於高深公其是矣  
爰則繞以寔廊沓之銅甃鏤楹髹楯垂鏡裡之雙虹素練  
銀床舞天邊之獨鶴時乃上日落成羣僚戾止鞞刀夜壓  
數碣石之雁飛閣道晨遊看滹沱之木落兵欄月冷盧從  
事因而賦詩壘府星高鮑叅軍於焉命酒欣茲盛事廣以

流傳其忝屬員恭爲斯頌頌曰

於爍皇清介茲祉福上帝命之奠乃九服地不受寶天用  
降康白鱗萃囿朱英集房桓桓我公出鎮燕涿左縮淄青  
南襟穀洛我公至止文恬武熙含和飲德浥我嘉師非惟  
浥之又滲漉之雨澤漙漙復汜濩之祁寒暑雨我公是咨  
水穰金饑我公是毗水匪資車旱匪資皮我公在焉康斯  
阜斯三江旣導九河旣灑北通朱戶南暨黃腫溝鮮捶壘  
士醉而傲城無負汲百雉髣髴灑灑湛露爰降於軒匪降  
於軒有命自天帝則憇之神爲告焉何以飭糗冽彼沆泉  
石乳遜飴天漿失鮮公拜而受以祀以禋眷彼瀉濛食茲  
溟滓飾以文石緼之修綆斟之酌之井渫用慶瓴甌旣周  
豐碑屹然我人作頌億萬斯年

一、  
 二、  
 三、  
 四、  
 五、  
 六、  
 七、  
 八、  
 九、  
 十、

一、  
 二、  
 三、  
 四、  
 五、  
 六、  
 七、  
 八、  
 九、  
 十、

與吳駿公書

代家大人

明公人倫淵岱風雅鼓吹當今之王茂弘謝東山也僕素承家學訪季長於扶風揖蔡公於洛下獨以未得見明公爲恨芳華終緬裁明月以叙心玄輝自遐佇白雲而抽志中懷蘊結如何如何惟是諷詠歌詞不去口實昔年白下洛陽嘆羨於舒章今適吳閫琵琶服膺於聖野又何異拍洪厓之肩把浮丘之袖符其霞舉乎僕丁辰不偶遭遇孔艱沈約帶圍自憐憔悴徐陵宗族何處飄蓬然而見銅雀之花飛不無述作值南皮之雲散閒著篇章所望明公相爲賡嘆則彥升之感不擅曩時虞翻之傷永消今日矣又近者石城諸友爲雷周二公立祠於正學先生墓側耑懇名篇一爲碑記庶幾莫愁湖上時來墮淚之人金陵縣前

長種還蒐之艸數行仰瀆筆與神俱明公義切墳篋言敦  
蘭蒞修卞壺之墓自有深情答秣陵之書當爲極筆又無  
煩覲縷也

與芝麓先生書

籍甚芳華爾勞眷戀才慚枚叟虛邀梁孝之知曲豈王郎  
會入謝公之聽憶山川之綿麗當賓從之清新抽毫於臨  
春結綺之旁授簡則庾信徐陵之輩荀家羣少夜夜薰香  
何氏諸郎朝朝傅粉奚圖下走亦遇明公依劉於石子崗  
頭御李於莫愁湖上嗟乎生也不辰幼遭離亂陸機去國  
竟逢吳室之亡伍員知幾預料越兵之入對成孔雀自悔  
才華賦就鴛鴦尤增離別於是搯絃泣下擗管悲來北渡  
蕭絲時聞落葉南歸苻朗每見江流客自傭奴鮮擊堂前  
之筑人非太子能吹天上之笙固已箭泣長揚豈但河悲  
酸棗自別以來心焉如掇朝看分野但直牽牛北望關河  
莫逢征雁恒銜觴而屑涕閒引鏡以迴腸不自知其爲愁



不自知其爲苦也僕之侘傺巧曆莫算緣其遘閔厥亦有  
三僕家珥貂蟬世叨恩澤丹輪絡繹人傳王謝之門白塵  
連翩世曰袁楊之裔而壯逢淪賤晚會流離鐵籠宗人翻  
欲湛田單之族葛衣公子空思謁任昉之賓豈衣冠之選  
自昔原開而門第之科於今永閉斯僕之自恨者一也許  
子將月旦士林郭有道人倫東郭僕之祖父庶幾似之屬  
漢祚之將衰乃黨人之不競部分南北盡是房周京異東  
西誰爲晉鄭而天心稔亂人事多携洛陽市上未燃董卓  
之臍晉陽城中尚睥華元之目遂使合浦之珠已盡成都  
之卜何從斯僕之自恨者二也王微文藻每嘆途窮謝眺  
才情屢嗟運盡於茲爲烈自古已然僕涉筆輕華持身狂  
躁少工聲律不爛內則之篇長熹詩歌風味歸藏之作形

容臺殿則思竭於靈光體勢虛無則巧窮於景福而日月  
不居性靈坐天蘭陵蕭繹懺彼文人楚澤靈均歌夫司命  
斯僕之自恨者三也以斯三故積有百端加以崔亭伯宴  
歲多憂張平子閒居不樂學元龍之豪氣難卧高樓豈敬  
仲之後人慣奔他國江淹賦別衛玠言愁吁其悴矣能不  
悲乎閣下虎視帝京鷹揚上國行矣雲塗勉旃天路江南  
草長特郵季重之書冀北花飛望報休璉之札

古長休歸年重之青其北其之聖羅杜軀之井

悲乎聞不其賦帝京燕母土國詩矣雲登遊極天報玉南  
仲文歸人附矣命同其並題照惟信言然其其美翁不  
意之長歸平千開學不業學天雖之清用繼得海歸豈游  
洪對之自射青三忠思德之效蘇亦在繼賦以詩李賦意  
不歸坐靈坐天關為靈歸歸文入裝野靈心博夫后命  
容臺燭照思誰其靈火靈燄立無開其其是靈而百民

上芝麓先生書

辛亥

載別旌門四更葇莢感知慕德泣更劇於蚺珠怨老嗟卑  
身竟同於燕石馳惶無地哽懼自天譬之越禽戀燠終思  
近日之鄉代馬衝寒恒有凌颺之氣人之情也能無歎乎  
粵自南陽雉離陳寶雞鳴日月炳乎八紘乾坤奠其四極  
恩波湛濊北通弱水之邦瑞氣昭囿東被無龍之國凡夫  
稟氣靡不蒙慈獨有文人善於失職餘姚書佐不無拾橡  
之時丹陽布衣或類翳桑之客而崧薄劣猥荷帡幪予以  
吹噓長其聲價此則蝸毛蚤翼悉藉生成枯木朽株咸歸  
雕飾頌颺曷極銘鏤奚言自入中原於茲三載託貴游之  
後乘厠幸舍之末行徧歷兩河頻經八郡百凡風緒彌觸  
悲辛聊借叢談以資撫掌慨自蛾飛玉塞蟻潰金堤旣七

聖之路迷亦百王之道盡漢臺晉闕共廢壘以縱橫伊鼎  
姜瓖並頹垣而蕪沒兔苑賦詩悵鄒枚之不作吹臺縱酒  
盼高李以何從復奚言哉此固然矣若乃邯鄲爲游俠之  
魁朝歌乃輕華之窟玫瑰作城東京樊重之家玳帽爲梁  
西洛石崇之宅或奕洛瓌之所割據或賀六渾之所攘竊  
三條夜啟游騎歌鐘五劇晨開販脂削脯此皆歷代名都  
累朝勝域今則空餘風月無復綺羅淇泉罕巧笑之人趙  
國乏報恩之士鱣肩齟齬卽曰洛陽女兒葱肆餅僮便是  
叢臺年少詎堪揚扝徒滋閔嘿是以刻意矯除刮磨豪習  
孤行峭厲消耗壯心抱蝨簡以終年託瑩編而永日玉杯  
一卷珠海千函非狷非狂如是而已所幸學善陸沉性甘  
薇纒賓從念劉禎之疾主客知原憲之貧濁酒素琴差無

患苦宵鐘夜漏聊用襄羊以此自寬毋煩相譬且夫楚腰  
信美不登展氏之床秦缶雖工難悅趙王之耳何則意脗  
者易爲容而情乖者難爲洽也是以越石抵掌於晏嬰之  
側於期搯腕於慶卿之前魏齊亡命乃客虞卿醜菴不聊  
爰投羊舌無他素蒙根柢之知則畧其疢疢夙荷優容之  
雅則假以羽毛耳崧之藉庇廿餘年矣不幸崩摧酷遭割  
罰年逾知命尚乏嗣胤已成張壯武之心疾時類羊南城  
之淚流已於商丘擬置一媵非云曼倩之小妻聊比樂天  
之粗婢或者李家先德尚產衮師阮氏清門將生遙集蓬  
頭歷齒妄思以買得爲名執繖擎箱謬計以醜奴作氏然  
而客本畏人居尤不易必賴汝南長者寵以輜駟許下羣  
公惠之談論此其萍跡或免蓬科倘有高軒入魏幸言朱

亥於市中至於絳綬游吳願述伯鸞居廡下用茲仰瀆伏  
冀台慈更有鄙懷統祈尊鑿崧以盧蒲髮短燭武精亡處  
處挪揄年年瑁璪正使石填武檐詎塞愁倉土運黎陽難  
平恨棧瑤姬無掃塵之竹玉女寡洗頭之盆將畫禁公之  
龍遂牽荀息之馬雖復井公縱博寧能索笑於仙家卽令  
鍾子刺船詎便移情於海上方今成均廣闢石鼓弘鳴六  
館之側負笈者三千四庫之旁橫經者十九若獲策其謏  
劣竭此涓埃一觀太學之碑便脫諸生之籍未知此語果  
合事宜佇望台裁以爲進止嗟乎來日大難獨居不樂天  
上之愁萬里人間之怨千年困豫且之赤鯉猶然仰沫於  
洪波燒爨下之焦桐尚爾驚覓於妙曲辭寧叙意書不宣  
心維崧頓首

與葛瑞五書

弟束髮藝林卽奉賢豪長者歡日從江左諸公訪西曲之  
翠蛾馭娑宮外問東隣之羅鞮玄武湖邊彷彿華林之游  
依稀壽光之彥比來年齒壯盛世故橫決欲如疇昔無復  
事理何圖梅福尚存管寧無恙得與足下一晤於鹿城再  
見於虎阜豈非亂離之快事知己之美談乎別來情狀益  
爲落魄羈遲北府萍梗南徐都無樓護之鯖空有馮謹之  
缺龍仙足下其又何言夫花栖簾幌庭謝綺羅竟陵所以  
發此哀音孟嘗於焉和其悲曲僕自惟神氣清羸精魄散  
佚暮功無強近之親肺腑乏交游之勢竊見夏存古華亭  
年少鏗掩金刀侯智合上谷才人泉埋玉樹弟又何人以  
堪長久縱復翩反樽俎之間含吐宮商之末焉能與楊雄



疏勒投筆燕然爲大丈夫之愉快耶聊與足下叙此懷也

...

...

...

...

...

...

...

...

...

...

...

與周子俶書

捧讀足下東岡文集體格高邁筆徑奧崛崔亭伯馮敬通之亞也又誦東岡詩集麗而有則怨而不傷味此雕音玩其妍手非陳黃門後一人耶崧不敏浮沉鄉曲拘牽文墨又以幼遭疾病長經戎馬無王粲依人之策而有襮衡傲物之累寡陸機入洛之志而抱沈炯思鄉之哀用是文思蕪落行事穢賤竊附孔門蓋各之義私有撰屬聊代萱蘇既而思之丈夫生不遇時終不願托三寸柔管與徐孝穆宮體江總持艷曲爭優劣也足下雄文麗製掩映江左盤龍慷慨餉阿杜之雙釵公瑾風流顧小喬之一曲君家故事豈與鄙人弁陋揆其嘆息者矣弟近托跡蘭陵旅舍花飛羈樓月落貴里毛生居近蘼蕪之巷西陵卞女家隣豈

寇之街第於是聽銀箏於倡館投錦瑟於香奩未免有情  
奚能不恨所以匆匆尺素未遑爲足下竭其思致少克歡  
樂者以此

答冒辟疆先生書

桃葉渡頭莫愁湖上論心  
浹月把臂連宵申之風雨之盟  
重以雲天之誼雖漢室公卿  
莫憐王粲而長安故舊猶問  
何歎以至追陪庾亮之樓出  
入石崇之谷池臺歡讌則陸  
孔連鑣歌舞游從則庾徐並  
轡身雖離亂快極生平一別  
經年何常不嘆念江淹於天  
末似有羅人眷謝眺於雲中  
微聞弋者旋知康吉奚俟欣  
榮計孝穆欲寄李那之箋旣  
魚書苦短卽趙至擬命稽康  
之駕復雁路愁賒兩者躊躇  
寸心緯繆適因他事滯跡吳  
門猥荷隆情枉煩遽使憶昔  
歌驪之日亭曰勞勞瞻言執  
手之時誓成旦旦臨岐一慟  
行路爲悲崧實有心敢忘夙  
諾卽如今歲心結成言學虞  
卿之著書纏懷閉戶媿長卿  
之作賦息意行游徒坐管寧

邊陲文集卷二  
三  
是正堂  
之床未設馬融之帳況當命至能不神馳祇以婁子江邊  
欲訪東山之墅闔廬城內尚淹北海之樽朝旋里門夕發  
邗上斷不稍延晷刻屢積譽尤也拜嘉星晚謹登鮑叔之  
金擊汰露初竚見陳樽之轄書成對客悰繫各天

與周櫟園書

南薰游至屢枉瑤華旣隆加璧之施又荷捐珮之雅循環  
來旨端緒緬然乃當魚雁之來正有犬馬之疾筆札雖具  
驅染未閑茲者金風薦爽畧可勝衣玉露初零差能滌硯  
謹遵明教作頓古堂赤牘鈔序一篇囑彼行厨納之記室  
所愧質同燕石難爲和氏之珍材豈豫章謬入鄧林之選  
高山在望盼畫戟以相思淥水非遙撫金徽而自惜時方  
秋也人曰歸與後有嗣音更希作報

及也人曰說文存疑音義存疑

及也人曰說文存疑音義存疑

及也人曰說文存疑音義存疑

及也人曰說文存疑音義存疑

及也人曰說文存疑音義存疑

及也人曰說文存疑音義存疑

及也人曰說文存疑音義存疑

及也人曰說文存疑音義存疑

與吳漢槎書

弟才思誕逸姿制曼落又常卧疾同於趙岐閒居甚於潘岳用是頽放靡所撰製緬遊芳嶽溪相欽嘆夫風騷遞降厥有淵源雅頌以還非無堂奧吳歛越艷匪擬古不爲功漢樂唐謠惟諧聲乃爲妙今有苦寒大謬明遠之篇游仙盡失景純之步李陵河上之作未極纏綿崔顥房中之詩實乖輕薄雖工倩盼不嗣風人總騁宮商奚關才子僕懷此恨積有歲年何圖今日遂見作者嗟乎漢槎上下數千年屈宋以來徐庾而後雖鴻文麗製不絕於時而亮節驚才罕聞於世僕既幽懣惑溺浮沉燕穢久歇性靈長辭篇翰而一二海內名賢黃門蘭摧舍人玉折方檢討吹簫而乞食吳祭酒挾瑟以陽狂縱有音容幾於星散其他姓氏



靡不蓬飄吁其悲矣心傷悴矣然而德隣不孤伊人尚在  
魏交讓發蒸於海隅侯武功蜚聲於江表華亭年少大有  
才情西陵諸子都饒風格方今戎馬蹂躪人物散失每遇  
一賢何常不嘆況我足下素愛王克之論極憐庾信之哀  
僕所以願同溪詣共扶絕業者矣冬間別後准擬卽過松  
陵而到處淹留旋歸桑梓鬪雞之社日相牽挽會獵之約  
未遂心期總俟春間定成良晤臨文寄意不盡願言

答毘陵友人書

維崧頓首自頃世故睽携心期契濶猥承壇玷濫厠敦槃  
蒙彼丹黃長茲毛羽維崧幸甚不意近者移書飛翰連名  
累牘發函伸紙疑懼交并尋思形跡大相紕繆卽有事體  
了無故實夫維崧山中鄙人耳吹簫屠狗少足清狂販繒  
削漿近仍落拓固已握醴陵之筆不禁悲來聞子敬之琴  
何辭泣下諸君子以維崧素稱家學薄有浮名收之品類  
之中賜以齒牙之末謬矣謬矣徒以析胆剖肝誓言頗重  
乘車戴笠義分猶隆勉飾菲葑上承高厚絕未嘗敢自相  
離異致來諄切也夫陳餘去趙不無意氣之嫌樂毅辭燕  
間有風雲之望弟於二者旣以無之卽有他焉未聞命矣  
夫朋友之道異於委贄氣分之感重在班荆若以越境之

交來相誚讓投軀之後概絕心知或以再預南皮重盟北  
杏爲崧罪者則益未敢信也崧自結髮以來與賢豪長者  
游十餘年矣今日以後豈無王貢之知卽今日以前大有  
孫周之契不可云一經息壤便作參商再過山陽都成寒  
暑於期刎頸本屬新歡聶政屠腸尤關宿好若以當年矢  
天指日視若子虛則今茲拜母登堂旋爲昔者諸社兄又  
何得以敦茲舊雨爲間我新交乎至於同盟之事畧去猜  
疑一室之間惟圖繾綣灌夫杯酒旣可相忘藍田捐忿何  
難不復不祥姓氏久爲刀俎之人無賴行藏甘作馬牛之  
應閱牆同室受之如飴關弓其兄有如此日耳大抵風靡  
所起始於貴邑初因文友遠出遂致輒張猥積涓塵頓成  
海嶽弟所以進此一言者所患不在於陽羨所繫首在於

毘陵若諸君周旋如舊何爲下邑頻煩陶侃之旗苟吾盟  
金石不堅豈獨下走偏割管寧之席相提而論情理甚明  
痛哭而談涕淚交集不然昨日弟兄今茲胡越一門之內  
自極兵威翻其反而何嗟及矣主臣



答周壽王書

壽王足下昔臨淄答公子之書僕射報故人之札枚臯淹  
麗叙懇款於篇章謝眺清華譜中誠於牋奏以及曹家二  
妙蕭氏諸王李邢塞北之篇丘遲江南之作上下曩往代  
有其人千餘年間若斯而已何者明月不投於瓦礫梗柎  
不列於朽株過高唐而效其謳歌游睢渙而師其藻績珠  
玉以並御爲榮宮商以同懸爲樂也足下汝南閎閎江表  
聲華許立度之清通裴叔則之名理景顧則以李膺爲師  
趙至則以嵇康爲友樂旨潘筆固已萃爲一人輟謝凌顏  
奚得離爲二美何圖中路濫及鄙人辭旨慙懃情文剴切  
壽王足下文人相輕自古有之況在今日尤可歎息憶昔  
樛李其相締結刻覈文史考据經術孫龍堅白之辨晰其

源流白虎同異之解闡其堂奧興公賦體赤城之霞氣千  
重子山序言玄武之明珠六寸僕方引藉若輕塵之御順  
風君更謙冲若腹毳之資背羽時有口語橫屬詆嫫加以  
清狂目爲輕率嗟乎此敬通掉頭於渭水子幼耳熱於南  
山元叔有囊錢之悲孟博抱清流之歎也且夫鍾鼓以饗  
爰居千金乃資敝帚騏驥與駑駘同皂鴻鵠與燕雀爲羣  
自古而然於今爲烈若使盛憲之年易永張衡之志不愁  
酈文勝不緯繡於范陽崔亭伯不煩紆於涿郡則雍門之  
畔虛傳累歛之賓谷黍之陰果有嗟枯之容矣詳味來旨  
纏綿鋪叙至所深羨似在鄙人此足下愛我之談非古人  
相知之論也僕之兄弟雖粗涉文筆未升堂奧乃者時勢  
遭會構遇坎壈邳太傅之亂離戴處士之棲寂時復咏史

租船哀其清厲負薪鹿車悼其辛苦而足下嘯歌自適篇  
藉爲歡翱翔於藝圃之中放誕於塵埃之表何其快也豈  
足悲哉近聞灌夫有同產之服子猷有登床之言則僕與  
足下人倫之際榮瘁殊塗然而疎密之間悲愁一致也今  
夫韓起雙環何能並見張華兩劍豈必俱來是以天忌其  
才豈止人惜其實足下雖誼深如手哀篤同生而覽舉封  
胡尚餘二少到漑到洽不止一人奚乃技輟成連遂至絃  
摧促杜乎至於足下誤述尤屬必傳譽重靈蛇珍同和璧  
而足下虞其覆瓶遽欲焚硯患其獵屐頗懷投筆此在鄙  
人實所未喻夫樊重之宅必有瑰麗之觀王根之家自多  
妍華之飾倘非世猶繩結人盡空桑焉能置芳澤而不陳  
黜鉛華而弗御是以驪宮雖誓猶傳蕩魄之言香國雖賒



亦著驚覓之論裝之玳瑁君無間然返之椎輅非所聞命  
壽王足下宛委之洞屬有藏書西室之山非無秘錄袁閔  
土室難與久居蔣詡荒徑未遑塊處歲月不居毋徒自苦  
爲也

與陳際叔書

際叔足下載披新製歡笑無量循環把玩不啻口實慨自  
江表喪亂文籍散脫掌故流落有同甲帳文史毀棄便類  
羽陵風尚所期惟在足下今茲書叙大似休璉其餘撰述  
自多傑作夫以孔璋之才不閑於詞賦士衡道藻亦以手  
重見嘗固知雕蟲小技未可輕棄也足下諸賦已必傳矣  
僕才質疎放姿制誕逸頗致藍田狷忿之譏時叢平子輕  
狂之誚間有侯芭嗜竒之癖時多吳質好伎之累每當四  
節之會風日閒麗親懿稠密丹輪徐動華軒遂盈當斯時  
也賓徒迭進則神思轉給簫笳互激則酬應彌妙昔大梁  
侯方域常作文章必須聲伎僕不幸遂似之至於別崇臺  
入曲房弛華裳跼利屣銀燈乍滅文纓已絕臣心最歡才

能一石何論八斗且夫燥濕之理各有其宜動靜之性奚  
能一致若使龍泉不試之盤錯騏驥不驟之康莊則羽檄  
何以擅長於枚臯書函何以著稱於齡石今者塗路旣局  
神明有限塊處怵息忽焉終日已失禪甚謀野之助幾蹈  
莊叟文犧之喻而欲矯厲文采以供撫掌豈可得耶將毋  
過高唐而善謳歌臨睢渙而思蒸糲祗爲欺我無關實事  
也會有事務未能牽綴崧白

自多筆寸夫以文章之末不關於國知士者蓋難在以其  
不測風尚視其動否且下今茲善嫁大以力其翁孫於  
五夫喪其文辭如劍掌如流者有同甲謝文忠與集到那  
烈外是不難其孫其燭其無量前賢所不啻日實難自  
與刺烈外書

陳迦陵儷體文集卷三

宜興陳維崧其年誤

吳縣尤 伺悔菴

選

弟

維岳緯雲

參閱

蕭山毛奇齡大可

宗石子萬

男履端

校

姪 伊

啟

李映碧先生八十徵詩文啟

縹囊細帙榮光上燭夫瑤樞玉軸牙籤寶氣直通乎絳斗  
訪域中之秘籍分遣陳農藏壁內之遺經羣推伏勝於是  
中朝求舊特下蒲輪大典維新爰開芸館然而天留碩果  
道宇崑然世重靈光風期寂若逢子慶之居北海屢詔寧

前周伯況之在東京連徵不起況屈懸弧之日適逢杖國  
之辰兕觥酌罷誠哉宇內之完人鳩杖扶來展矣家邦之  
盛事恭惟映翁李老先生根蟠天上姓繫星邊粉榆則籍  
着昭陽瓜瓞則祚綿文定烟籠畫戟岿崑宰相之門火散  
沙堤赫奕公卿之後華年鴻漸上國鸞停牽綵劇郡實外  
廷司寇之官釋屨雄邦是越組甬東之地旋庸最績晉秩  
梧扉尋以高資升華棘寺綜其轍迹揆厥生平甫膺司李  
遂施仁於犴狴之間洊歷刑垣仍種德在析楊之下李姓  
實李官之裔庭堅世祀彌長廷平乃廷尉之司定國門閭  
果大計一生之仕宦與折獄爲始終至於落落昌言稜稜  
正色惟思鞅掌耻沽疆直之名祇願和衷不設藩籬之見  
敢效甘陵兩部致盈廷沸穀洛之爭所祈元祐諸賢爲國

事息玄黃之戰是則無偏無黨洵爲士類之楷模不競不  
綵允作清流之眉目也抑有甚焉尤其難者今夫蒼梧一  
去杳杳重華黃竹難歸蕭蕭穆滿金鳧夜出故陵則烟樹  
連天石馬晨嘶廢隴則霜花滿地縱興衰可念而事已在  
前卽感慨難忘而責寧在我亦可不爲越外之謀少輟陳  
根之慟而先生又丁南風不競之時偏深北渚愁余之慕  
宮中馬鹿驚心故劍之談座上貂蟬傾耳遺簪之論卽斯  
一疏足擅千秋何況炎精乍熾厥有板龍瀝血之夫亳社  
將移倍多孽螳湛身之客孤踪滅沒誰修薄祭於風前破  
碣沉霾未易嘉名於身後昔人可作來者多賢宜優逮下  
之經用作勸忠之典此請封議謚當年之所以殷殷而立  
懦頑廉奕世亦於焉亶亶也自是以來於茲而往邵平隱

矣園內惟仄陶令歸兮門前只柳八公矍鑠巖有桂以皆  
黃四皓徜徉岫無芝而不紫於是沉酣六籍穿穴諸家閒  
窗錄史旁搜蝌蚪之文老眼抄書細釋蟲魚之注常據撰  
華陽之志謝承輯後漢之書三桓雜記副在名山南渡叢  
編藏之石室固已斐然述作聲稱蔽霄壤之間邈矣襟期  
志節轢雲霞而上矣雖復名已上聞人祈一出然而老夫  
耄矣自云不解著書使者去乎對曰未能應詔凡茲雅尚  
益表耆英丹青畫矣而彌鮮琬琰鐫之而不盡茲者令嗣  
木庵先生金殿燃蒸玉堂視草夔燭於鳳凰池上遷續談  
書揮毫於鳩鵲觀中固成彪志更謝庭之多鳳矧荀里之  
皆龍欣逢降岳思邀彩筆以賡揚幸值稱觴冀擎紅箋而  
染寫伏願鴻都貴客虎觀名卿或文或序千篇絢綠野之

堂以雅以南百軸艷紅綾之餅則懸之市上化成一樹珊  
瑚歌向風前散作九天珠玉惠而好我仁者贈言謹啟





徵浙江總督李鄴園先生壽言啟

蓋聞鯨波起陸倍資作乂之臣鶉火焚輪彌仗廓清之佐  
夸父逐鄧林之杖忠可回天貳師飛疏勒之泉誠能動地  
從來陰雨盡蓋臣拮据之秋在昔雲雷正誼士經綸之會  
太常論定鑄以鐘鏞幕府功成宣之鏡吹鄴園李老先生  
名叶瑤樞光分絳斗派從函谷韜鈴工玉帳之書郡入平  
原人物稟金精之氣策名上第釋褐華年甫由李郡之司  
便筵望郎之署風飄綉豸蒞此臺端霜冷啼鳥陟於卿貳  
粵以班僚之貴膺夫簡畀之崇遂隸雄藩爰申新命勲階  
屢擢服官騰雋烈之聲敷歷頻經率屬擅清剛之譽然而  
弓開似月必逢貫蝨以稱竒劍淬成花恒爲剗犀而耀彩  
假若歷陽未叛末由彰陶侃之忠如其并土無危奚自表

劉琨之節藥以獨搖而倍苦路因九折而偏難乃者八州  
作督之年竟遭三孽方苞之事羣陰肆狡謬效連雞諸鎮  
潛謀妄營犄角王審知鳴張於海國變起須臾陳弘進豕  
突於蠻天釁生呼吸波將漸及蔓恐難圖徧南戒以倉皇  
屬西隣以艱旣斯時也七閩關隘首說仙霞全浙門庭惟  
憑太末桓桓策府率虎旅以嬰城仡仡元臣奉蠟丸而建  
節扼諸境上躬在行間崎嶇陷陣高褰姑蔑之旗忼慨鼓  
儻硬挽錢塘之弩固已六千君子共明填海之本懷百二  
山河咸喻補天之壯志矣顧猶人各有心時方多難廳當  
起處間生鳴鏑之心草欲枯時競作彎弧之狀激水桐溪  
之界青犢彌山甬東於越之區蒼鶩蔽日公乃宵攜別隊  
銳頭突鬢之夫間挈輕軍扛鼎翹關之輩爬斯癘疥烹宋

萬於車中潰厥癰疽縛陳豨於帳後條王師之直下俄宗  
子之邁征浙土全收閩疆再造七年擐甲力竭於飛牋草  
檄之中五夜援枹恩深於伐畔侮亡之外遂使無諸城上  
依然荔子之紅頓令仙鯉洲邊不改檳榔之綠蓋力支大  
厦總天家之籌畫居多而手障狂瀾實閩外之勤勞最著  
也所愧吳人原非越鳥公也門高元禮尚阻登龍僕兮員  
綴微班猶慳執雉而乃濡毫頌德將毋越境之嫌削梯鳴  
情詎免隔垣之誚不知方事之殷有隣將壑向也三江浪  
湧疑漂壽夢之墟五嶺烽橫幾達專諸之巷公如暇豫疇  
免阡危迢迢厚德高於迴雁之峰烈烈豐功訖彼無龍之  
國凡茲覆載並囿生成何況牛女同星魯邾接柝夙有輔  
車之勢原非牛馬之風則今者興言偉伐豈徒爲隣室之



徵淮安張鞠存年伯雙壽詩文啟

蓋聞真府傳觴金液瓊膏之酌弁山紀石白雲黃竹之謠  
瑤林舒七葉之祥花開四照銀漢炳雙星之瑞景麗重輪  
鸞吟法曲鏗鏘頌禱之音鶴纈宮袍照耀縑緙之色成資  
雅咏用佐華筵千春颺昭代之禎符奕世紀德門之盛事  
淮山張老年伯綉戟高薨銅街貴宅姓聯翼軫瑤天著籍  
之宗號擅金張青史書名之族蓮開華井夙稱關隴名家  
桂滿淮堧僑寓烟霞福地舉宗饌玉筐羸彩鳳之徵盡室  
鳴珂筍溢綠蛇之兆迨容部公誓蠻邦而定國本事關宗  
柘之間洎戶曹公却蟻賊而斥貂璫烈載旂常之上生還  
接武真成楊震之孫沒亦留芳並祀樂公之社豬肥鵠瘦  
家家摹蓋曰之碑荔碧蕉丹戶戶賽羅池之廟先生幼卽

岐嶷長而清綺揮毫早歲旣髫髻以知名釋褐中朝遂馳驅而筮仕時則漕督之蝨光夜蝕以致楚州之鳴喙宵張羣奸擇肉細民生萑楚之悲大猶磨牙瘠土抱黍離之痛先生則敷宣利弊片言爰以回天捍衛鄉關羣小因而見覘九重動色萬姓庚生是則甫膺簪組旋爲桑梓以分憂乍離衡茅便爲枌榆而請命矣尋由畫省游筵清通復自薇階陟升華要校士則搜竒剔異旣梗枘杞梓之兼收居官則緝雅歌風亦顧陸潘楊之咸集人傳毛玠此是聖郎羣羨山濤斯真吏部若乃鄉邦以內人倫咸奉爲楷模相闕之中天性尤徵其篤摯閔予同氣體鳴鳩專一之仁敬厥所生弘葛藟本根之誼以至請蠲議賑則里閭共藉其干楨及夫濟乏扶苗則黨族交資爲筦庫人沐張長公之

德施不少抑緣閭太君之內助居多蓋銘椒賦菊固伯與  
榮戟之門而習禮通詩亦立本丹青之裔華齡降乍徽柔  
不讓夫禮宗吉日齊牢靜好無煩夫姆教當夫子食貧之  
歲牛衣無憔悴之容暨大夫服政之年象服表山河之色  
慈能逮下待澤者期功疆近之親惠以宜家頌義者齋翟  
輝庖之輩噓其善氣衍此吉祥種厥仁心蒸爲馘穀羹鳧  
臙雁堂前羅三代之賓蠟鳳騎羊門內備五宗之慶綠鞵  
綉褌跳擲屏幃犀角龍媒嬉游奧潔頷之而已莫分羣從  
之名小者誰何不辨諸郎之貌其立德也如此其食福也  
又如彼屬在今春倏逢盛事 聖主闡翹材之館熙朝開  
博學之科枚臯枚乘共揮毫於鵷鵲樓頭崔瑗崔駰同獻  
賦於鴛鴦殿下笑語歷雲霄而上父子俱榮賡歌在殿陛



之間君臣交泰而先生則謂舒祺年小幸克珥筆之臣燭  
武精銷應作歸田之叟一出處洵哉顯晦之攸宜爲箕  
爲裘展也後先之濟美更以來年欣聞雙壽太君則六旬  
設悅庚申度值其初先生則九月懸弧甲子方踰其二斑  
衣燦錦遙飛千里之觴仙醴流霞合祝萬年之嘏某等與  
毅文年兄分擬荀陳情叨孔李丹崖春霽宜陳朱萼之篇  
綠野秋開應賦白華之句喜霄虹之並跨筆綉江毫欣海  
鶴之雙飛文舒羅鳥佇聆雅唱敢告名賢謹啟

徵毛太母黃太孺人八十壽言啟

漢殿傳經萇乃箋詩之客趙家養士遂爲脫穎之賓流連  
碣石之宮論心雪後邂逅黃金之館握手花前言偶及夫  
家門用獲詳其鄉國自言壯歲疇希荐禰之榮祇說衰宗  
莫罄報劉之志粗陳梗概畧叙生平乃知遂安毛母黃太  
孺人者實某先生之生母而友人允大之大母也孺人族  
著燕都望齊江夏敦詩習禮幼誇季女之風賦菊銘椒長  
擅大家之譽弱齡就傅便號禮宗綺歲于歸卽稱家督殯  
蔡不匱擬尹姑以無慚榛栗相將較郝鍾而何讓書嫻內  
則實閭裡之黃香福衍箕疇本仙家之毛女然而竹痕善  
暈不逢涕淚以奚斑劍氣常橫匪遇沉埋而曷紫忠臣許  
國恒遭盤錯以彌伸健婦持家每邁漂搖而益厲但使雍

容井白未足徵其慷慨之竒徒令黽勉齏鹽猶難顯厥艱  
貞之烈也孺人則命實不猶家偏多難蓋司馬騎箕之歲  
卽石麟墮地之年經以免身鑿而就蓐茁蘭芽於身後弱  
息疇憐萎梁木於生前藐孤奚托况復運有平陂時更涼  
燠撫門前之檠戟燕去誰家檢篋裡之貂蟬鶴歸何世梁  
朝才俊將爲衣葛之人楚國公卿竟有負薪之子凡茲大  
厦之傾危總驗未亡之節搯偉此巾幗荷此門楣錦因受  
濯而逾鮮玉以遭焚而倍索春風夜月開殘貞女之花碧  
海青天填盡帝娥之石鼓絃聲之嘹唳一曲將雛玩藥影  
之蕨蕤半欄獨活燈下則紅顏暗老紅淚全枯膝前則黃  
口將乾黃泉可見庶其成立畢我劬勞詎期噩夢之未終  
更遇驚飈之不定子還生子更加失母之憐悲以增悲轉

觸所天之痛舒祺哀此兒尚小范凶實童子何知乃猶輾  
轉含飴咿唔課讀和熊食蓼用成博士之名截髮封鯁勿  
墜尚書之業以至割郈成之宅出自釵笄築巴婦之臺成  
於織紵情通任卹歌壽母者千家誼篤恩勤鞠遺雛者兩  
世此誠彤管所難名抑亦青閨之僅見矣比者浪湧三江  
潮飛兩浙笳吹郭外驚蟻陣之縱橫燧暗山中駭狐鳴之  
槍攘惟茲萘爾亦致焚如火延趙禮之家箭入薛包之室  
而能鎮以安閑處夫義命臨危不擾頗多達者之言遇變  
能全早著哲人之見歷稽前媛逖覽曩編雖饁耕隴畔賢  
哉冀缺之妻設謨堂前籍甚伯仁之母烏能媿此芳華均  
其憔悴者乎僕也夙附通門新承把袂躋堂介壽知八袞  
之旋登上國掄英况羣賢之畢集五十載菴蔬之草心緣

屢摘而多傷三千年松栢之枝節以後凋而益茂佇希編  
貝莫辜良友之心仗冀瑤珠徧拜仁人之賜謹啟

爲丁太公徵八十壽言啟

謹啟同社丁子璉兄尊大父泰望先生系出雙丁年高六  
甲里稱通德人傳長者之名臺築懷清邑檀素封之號祖  
大夫南溟公績留青兗君王問孝廉之船父鄉賢天錫公  
詛篤白華父老標獨行之傳代多耆舊世有聞人先生夙  
譽魁梧蚤矜敦敏通方狷介許子將之在東都峻烈清剛  
周弘讓之居南國雖牛歌寧戚生不逢時然蠟鳳僧虔幼  
而有志早年聞道說禮且以說詩晚歲多閑學書兼能學  
劍每範躬於孝弟常型俗以睦嫻王彥方檢押甚嚴鄉黨  
罕覩其面陳太丘門牆絕整子孫自以爲師屬銅馬之方  
橫奉金仙而終老祥紛排難宗族恃爲長城樂善好施鄉  
國呼之祭酒陶潛之五男可樂聊自賦詩陸抗之三世多

才何妨縱酒狎樵蘇而翫世解組縲以歸耕不事王侯且  
友麋鹿袁綵之隱間巷以鬪雞走狗爲歡劉毅之處江淮  
以六博樗蒲自喜性耽音律老愛聲歌聽范 之彈筆賞  
其 邁聆桓伊之吹笛憐此清在更極意於道林復留心  
於禪悅洛陽之伽藍載道手自經營祇園之精舍彌天躬  
爲締構人言嬰鑠似馬援之據鞍我見飛騰似廉頗之健  
飯今年八月齒屆八旬某等於子徑交比雲霞心同椒桂  
射如臯之雉幸見斯人觀廣陵之濤正逢今日登堂而拜  
事有賴於羣公核實以書誼難辭夫片語願歌三祝以頌  
五更此啟

徵田太翁八袞壽言啟

河盤九曲出碣石而彌雄玉耀連城孕藍田而更貴人言  
松柏不產培塿共說山川能生雲雨從來食福必歸積德  
之家大抵成仙原屬修身之士華辰祝嘏羣公旣薦幣以  
承筐錦畫張筵賤子且歷階而揚觶不辭固陋用效賡颺  
茲啟某翁田太老先生者系是西河郡分京兆門風瓌麗  
漢宮題柱之聲華才地通明稷下懸河之苗裔勝衣對客  
器自別於常兒毀齒知名門詎書夫凡鳥桑梓寄彌牟國  
內扮榆偏離石城邊晉卿六族此鮮其疇齊國諸田君真  
其後然而雛方在鷲詎便摩霄桐甫稱孫空思向日子推  
狷介并無綿上原田郭泰孤貧徒墊雨中巾角漂搖邦國  
蕭瑟鄉關叢叢六尺之童落落四方之志於是長懷樂毅



只欲投燕不效賁皇惟知奔晉十四齡髫年羈貫扉屨疇  
資百千里古道迢遙壺餐莫給望滹沱而戾止瞻督亢以  
如歸擇地在三輔五陵之內土厚泉甘卜居近千門萬戶  
之傍物華天寶人如端木時來曹魯之間智擬居陶頗用  
計然之策三年成聚哀然通德之門五世其昌煥若集賢  
之里爰乃文以情生禮緣義起北堂饋食潔洗腆以娛親  
東道班荆結珩璜而贈友一門輯睦施無常主之衣三黨  
雍和巷有同功之火井飛孝鯉恒依護草之闈簷噪慈烏  
不去荆花之館以暨寬能逮下王褒之僮約寧苛和以與  
人揚子之客嘲無怒爰頌馮煖代爲市義於薛中不類趙  
宣徒願沾恩於桑下此又冽冽沆泉旣注茲而挹彼濃濃  
湛露復自葉以流根者矣如斯之類懿不勝書遂來韓起

之雙環呈於膝下聿觀張華之兩劍騰在雲邊此荆巖太  
史才雄虎觀爭誇宋艷以班香而某某年翁賦重鴻都羣  
羨廔清而鮑俊也茲惟季夏齒屆八旬論甲子於桂陽瞠  
乎後矣遇老人於絳縣公然過之所望其譜妍辭均搖彩  
筆還不謂矣朱輪丹轂之賓何以觴之綠醪黃封之酒按  
玉笙於指下六月生涼燒絳燭於槃間三更若晝丁年玉  
樹踞斟延壽之杯亥字銅仙笑聽長生之曲則魚龍曼衍  
繅來雪藕之絲鸞鶴續紛瀘就碧蓮之粉伏祈惠我曷任  
跋予謹啟



爲溧陽彭太翁太母七十雙壽徵詩啟

吳雲入越國山綿亘於平陵魯柝聞邾瀨水滌澗於陽羨  
焙茶客去稔知彼地之高閣劇筭人來詳述此中之巨闕  
則有門呼萬石人號五經虵能蟠綬偏呈集慶之符雀擬  
銜環洵食發祥之報如我某翁彭太老先生者星分井絡  
系出商賢修兮俊烈夙標獨行之名宣也淹長早擅通經  
之目門風烜赫綉戟連雲家學淵源彩毫滴露曾祖南陽  
公升華紫闕罔希簪組之榮父雅存公策俊青袍甘蹈丘  
園之秀數傳積德詎願人知屢世行仁祇承家訓先生姿  
稟通明才鋒瑰異髫年製對名更噪於楊梅壯歲摛文價  
倍高於鸚鵡況復政施門內爰繫家人庭羅讓木紛敷而  
下茁忠葵井溢廉泉感沸而旁飛孝鯉陸智初幼多至性

橘常墮於懷中吳隱之毀不勝喪鶴爲鳴於庭下生事則  
羶薌臚腍婉以承歡廬居則窈粹練祥貧能中禮以茲篤  
厚足覘鳳卜之昌綠彼恩勤定兆駟門之大而乃天蹟其  
才物屯其遇九鑿文戰兩中副車朝朝燹下燒殘蔡氏之  
桐歲歲堂前漂去高家之麥奏凌雲而莫惜撫流水以疇  
隣是則揚朱失路達人亦以此興懷李廣難封行路亦於  
焉致歎繼而令嗣萊洲先生揆藻金閨蜚英五局次公早  
貴伯兄復望重飛鳧仲儒先鳴季弟又才高繡虎一門鵲  
起三雅鴻騫華貂插鬢雲霄則姑付諸郎皎兔懸空風月  
則長歸老子人情不遠亦已稍酬翰墨之勲時論相同謂  
宜早受絲綸之錫先生則興來撫掌終愛聞絃醉後搔頭  
難忘見獵廉頗鬢鑠猶作車中擊刺之形馬援飛揚尚爲

鞍上拍張之狀陶謙素性只樂幡旗劉峻本懷惟耽書卷  
耆齡七十皇路三千猥以來春始賓太學桃堪染綬肯令  
豎子成名桺用裁衣不礙老夫作達固已朱顏綠髮無須  
鴻烈之仙方碧柰黃精詎假喬松之秘訣矣加以性尚蕭  
疎不爲崖異胸惟坦率詎設畦町長日赴雞豚之會桐帽  
櫻鞋晴天趁櫻筍之筵酒旗戲鼓傾蓋而何分少長三命  
逾恭銜杯而莫問春秋干塲必醉婆娑里閨都忘兒是貴  
人跌宕琴尊共羨翁真健者此又葆其純一知上士之天  
已全享此期願驗仁者之徵必壽也德配吳太夫人鴻案  
相莊鹿車對挽盤匱事舅父宜夫子之家雜佩留賓聿起  
佳兒之譽羣稱闔範交頌禮宗際此華辰張茲綺讌遙進  
十齡之祝同開七袞之觴河將駕鵲乃金妃設悅之期嶺

正舒梅是絳縣懸弧之旦德門盛事嘉耦齊年不揣秕糠  
敢先乘韋伏願廣賡雅唱徧惠鴻文葡萄百軸篇篇飛杜  
曲之花翡翠千箱字字織扶風之錦則繽紛麗句遙從青  
鳥以俱來縹緲靈璈遠逐彩鸞而並至矣

徵沈韓倬太史母周太孺人八十詩啟

蓋聞南嶽夫人玉軸履登真之籍西池王母瓊扉敞介壽  
之觴玫瑰之砧杵千尋星應字女翡翠之窗櫺十扇月許  
稱妃是知鶴來緱氏已占瑞叶仙靈況夫龍出渥洼復見  
祥開風雨紅蘂秀萬年枝上青鸞歌九子鈴中孺人系本  
盤龍門施行馬施衿結帨勿工秋菊之銘說禮敦詩長善  
春椒之頌乃以汝南之閨秀歸我吳興之大賢時則芻翁  
先生七葉高蟬時時臨鬢三宮吟鷺日日陪軒畫省宿青  
綾之被名動公卿鳳城鳴白玉之珂風生殿陛游膺駕部  
預典兵機夏卿五屬中臺有妙選之稱首曹七兵郎吏服  
當官之壘孺人則翟芾以偕佩環而相機綵輶輶洵哉女  
德幽貞裙布垂垂允矣婦功儉恪旣著相夫之烈還聞鸞



子之勤三遷母訓兒是麟膠八咏門風人呼犀角庭花四  
炤羣高四傑之名人玉雙清共羨雙珠之號於是西京太  
學盡重劉陶東觀名賢交推郭泰更羨次公之早貴尤驚  
子幼之先鳴宮簾夜月明蟾映金匱之書御苑秋風快馬  
扈玉河之獵堂前設帳夫人猶身自教兒閣下傳餐太史  
每歸而遺母又若倉通驍騎祖孫更先後同曹船是孝廉  
兄弟更聯翩競爽謝益壽風前玉樹繡韉趨風陸子春車  
上璧人錦綉羅拜孺人則含飴以弄遶膝而嬉鄰夫人年  
踰耆艾神明不衰宣文君坐有生徒講論自若顧一門之  
過未徧爲摩娑列四世之曾玄都能省記酡顏舞鶴已同  
天上之皇娥白髮和熊還作人間之家督茲以仲冬榮登  
八袞起居八座綵箋賦嬖詞頭游戲千春寶柱箏彈曲尾

於焉張融宅後鐵市銅街之路李膺門外朱輪丹轂之賓  
莫不戶奏笙竽人持牛酒西河女子供來九節菖蒲東海  
婦人進以三山芝草某等潘楊密戚孔李通門蓋旣爲陶  
侃之賓宜進拜周瑜之母更望譜以聲詩鐫之琬琰則筵  
開天姥庶能博笑以投壺酒泛麻姑用效爲歡於織錦賡  
茲高咏留作美談



徵松陵潘母六十壽言啟

垂虹淼淼碧鱸紅樹之庄笠澤蒹蒹茶竈筆床之所由來  
此地多產畸人今日潘君偏耽肥遯意者三高祠畔人稱  
隱士之鄉不知十字碑前母是讓王之胤實本慈親之教  
用成我友之賢如潘母吳夫人者尤足誌焉夫人啓戟高  
門簪纓上族叙其姻婭旣椒衍人間譜厥高曾亦履聞天  
上夫人勿卽端莊生而淑慎菊花製頌晨風遵桺絮之庭  
蘭葉成銘夜雨直條桑之館若乃性鮮仁親書工內則笙  
歛葦黍孝娥題黃絹之碑經授宣文伯姊設絳紗之帳固  
已德容婉孌獨擅女宗圖象溫恭無煩姆誠且也奉異本  
之萱枝情踰自出撫旁根之荆樹恩甚同生此又輓近所  
難能恒流爲莫逮者矣迨歸我某公先生鹿車對挽鴻案

相莊卹其絡緯焦勞洮櫛之餘問彼有無黽勉醪鹽之側  
斯時也遺雛弱息懼傷夫子之心斷縷零鍼厥有前人之  
緒而夫人乍咏齊牢遽爲代置賣來寶鏡甫牽嬌女之烏  
羊柝罷珠鈿旋奠佳兒之錦雁經營婚嫁以畢晨昏屏當  
資裝何分寒暑無何而一痛離鸞長甘葶蠹入室抱磨笄  
之恨倚廬銜截髮之悲次耕則年始六齡幼子則生爲遺  
腹夫人憤願捐生忠能託命存一綫於未亡之手閫內程  
嬰哺藐諸以待盡之年女中苟息和熊午夜無忘爾父之  
辛勤剉薦中閨仰賴羣公之訓迪誠堪返日志可回天孱  
然膝下之孤蔚爾區中之秀臣力於茲竭矣所天不旣慰  
乎抑在鄙人猶餘深感今夫牛衣老婦艷心西舍之貂蟬  
馬磨窮發動色東鄰之翟第斷機佐讀期邀稽古之榮畫

荻傳書糞食干時之報捧毛生之檄便詔文人絕溫嶠之  
裾還誇學者此卽堂前漂麥閣上燃藜墨穿作穴惟工溫  
飽之圖書積成倉僅想風雲之會古今一致愚智同揆在  
末俗而皆然詎達人其遂免夫人則絕意時名忘情好爵  
教兒學易止占箕子之爻課子攻書不習楊雄之論但使  
粗知成敗雖蓬葆以如飴假令畧識興亡縱饑寒其靡悔  
身將隱矣願成綿上之搽勿以母爲益勵黨人之節高人  
數等自古爲難然或者徒甘淡泊止厭紛華將采菽以終  
年願辟纊而用老正復蕭條一室未足深竒隱約三時奚  
容過羨無如時值驚飈運逢駭弩楚國有亡猿之事崑岡  
當失火之年回思謗書之獄初興維時賢門之禍最烈褒  
方在難株恐連融儀旣遭誣瓜將蔓虞羣兒第解琢釘之

戲盡室彌深累卵之憂夫人則厝火無驚餘波何懼原鴿  
急難肯因弟瘦爲辭幕燕漂搖寧以李僵爲恨卒之臨危  
鎮定免細弱於糜爛之餘遇變安貞全家室於流離之頃  
震雷號號未見焚身洛水湯湯何常滅頂深沉之畧卽偉  
人猶歎弗如變化之才雖俠士奚能遠過凡諸卓犖筆不  
勝書茲逢週甲之辰適在履端之候釵飛戴勝競投玉女  
之壺屏轉倉庚爭煉嫺皇之石其在夫人桃李不言復何  
心於往事至於次耕樵蘇不費詎有墜於諸賢然我同人  
可無高作拜四海潛夫於堂下不羨鳴珂憂玉之交擅干  
秋絕唱於行間如聞控鶴駉鸞之曲

徵大銀臺柯素培先生六十壽言啟

蓋聞絳闕峩峩鳥篆註桂陽之籍銀膏滴瀝鶯漿斟菊井  
之齡十洲賦裏浮瑞氣於東瀛五嶽圖中燭榮光於南戒  
彭篋歲月傳說星辰惟箕子之疇多故于公之門大恭惟  
素培柯老先生武水名家魏塘右族百年喬木代擢珠柯  
五色甘瓜世綿丹陛高蟬臨鬢從來雙戟之門吟鷺陪軒  
白昔三槐之里尊公楚蘅太老先生羽籥鴛班名標雁塔  
雙龍闕下人來杏苑以看花九鯉河邊官是榕城之司李  
釋之治獄共號祥刑永叔掄文交推得士緣茲隱德遂兆  
綠蛇蟠笥之徵惟厥高閣爰呈彩燕投懷之瑞先生夙譽  
鳳毛長誇犀角神姿軒異同趙景之在衆中進止雍閒類  
裴休之來座上孟公則長踰八尺顧盼非常子山則腰帶



十圍儀觀甚偉爾其韋平世胄接踵巍科崔蔡鴻篇騰聲  
上國青袍釋褐早製錦夫棗陽銀艾牽絲便飛鳧於花縣  
斯時也慨三戶之無人正四郊之多事襄陽堤上猶事提  
戈鄖口江邊還聞傳箭將軍下瀨黃龍青雀之船君子習  
流綉鎧珠袍之隊先生則蒞此凋殘會斯旁午青芻匝地  
遙連陶侃之洲紅粟如山高並甘寧之壘民無忍讟卒鮮  
譁呼張遼臨於赤壁如行衽席之間王濬下於巴丘不改  
樵蕪之業嘗聞元結詩紀春陵又見羊公碑留峴首時則  
經畧洪公獎此殊猷械蠟丸而上表以暨一時督撫旌其  
偉績裂雁帛以陳箋疊承三命之褒揚屢被九重之賞歎  
帶垂荔赤風翻子產之衣綬綻桃紅日麗晏嬰之宅特拜  
黃門之職浮升青瑣之班敷歷諸垣翔翔兩省爾乃沉沉

左掖白簡增寒謬謬夕郎丹心不涅伏蒲仗下恒牽已起  
之裾補牘懷中每斷將馳之鞞加以器宇端凝風裁峻整  
修篁獨挺只欲彈蕉温樹忘言惟圖傾藿夕陽亭下殊多  
解綬之人宣政樓前不少免冠之輩況復蒿目時艱惕懷  
民瘼比有松陵之客爲言笠澤之間屬因水滂之頻仍以  
致田廬之蕩析伍胥潮至一軍悉化爲沙蟲文種濤來三  
版將生夫鼃黽先生則疾呼闔闔慷慨陳情曲繪閭閻淋  
漓入告誠能格主遂蠲一歲之租力可迴天獲請萬人之  
命夫其一節足概千端此則全中牟之雉未能儷此生成  
除雲夢之蛇不克方茲恩澤也迨積勲資累遷卿寺日親  
紫闥佇踐黃扉而乃志切瞻雲情深愛日時則先生太母  
俞太淑人已將八袞矣於是斑衣奉母晝錦娛親冬飴夏

簞聃申烏鳥之私碧水丹山敢託烟霞之瘡靈萱半畝藝  
在堂前孝笋千竿森於砌下翼板輿而登降依子舍以遄  
迴揚舲雪後瑁湖之萬頃堆銀著屐花前甫里之千枝綴  
玉驥兒逸膝鴻案齊眉趨庭是鳳竟踰薛氏之三會食皆  
龍不羨荀家之八人間盛事天上昌期乃者節屆青陽筵  
開絳縣屬新歲履端之候爲先生週甲之辰在銀臺公入  
侍魚軒敬謝引年之筭在內翰孝廉君輩出扶鳩仗願持  
介壽之觴某等幸列通門欣叨猶子千春蘭譜聿藉鳴鐘  
饌玉之文十賚芝函式逢駕鶴駢鸞之會伏祈早惠瓊瑤  
更望廣徵珠玉椒觴湛碧飛來縹碧之笈火樹舒紅唱去  
小紅之曲謹啟

儲太翁九十徵詩啟

陽羨儲孔恢先生門地高華家聲通顯庭施棨戟埒河北  
之崔盧座滿貂蟬駕江東之顧陸甲第則彩纓憂轂清門  
望重夫衣冠人文則削素含毫才子名標於翰墨先生幼  
卽岐嶷長而豪雋雍容鶴蓋不矜紈綺之風淹雅雜林大  
得風雲之氣蓋萬石諸郎俱擅無雙之譽而燕山五桂此  
爲第一之枝維時叅藩公旣籍甚朝班先生復翩然藝苑  
韋家有子羣識立成劉氏諸賢尤推孝綽於是映雪傳經  
歌風見志記亡書之三篋搜逸史於百家西園結客屏間  
汎鸚鵡之杯東觀論文席上賦柗榴之枕時論則諸生祭  
酒鄉評亦大雅扶輪加以井里昇平家門豐豫吳季札延  
州貴胄雅號知音周公瑾江表英姿偏能顧曲時則羊侃

侍兒錦靴踏地李波小妹薄髻彎弓舞迴風之十部歌落  
月以雙鬟析鈴周匝千條之紅燭薰天箏笛參差百丈之  
碧綾委地蓋雄心欲耗聊慨慷乎綵奮肉飛而壯志難灰  
或嘍哨乎酒闌燈炮無何而世歷滄桑人堅松菊舞衫歌  
扇愔愔前生酒陣文場闌珊昔夢先生則篝燈課子含飴  
弄孫里名通德盡知此日之徵君江近潯陽共識彼中之  
高士道風彌劭至德可師爰乃文孫長能廣期軾轍連鑣  
郊祁並轡張華兩劍同日干霄韓起雙環一朝辭櫝聲傾  
都會人倫俱奉爲美談名動公卿戚里尤矜爲盛事諸孫  
鵠峙處姊尚未適人羣幼鸞停此客得毋小異先生則年  
踰耄耄視聽不衰齒近期願神明自若矍鑠睛原尚臨風  
而却杖摩挲畫閣或負旭以鈔書秋雨赴雞豚之社五兩

衝泥春燈占角觝之棚千觴醉月姬人入道半已黃繩鄰  
叟談禪都成白首洵號世間之人瑞真稱地上之行仙今  
茲上浣之辰正啟九旬之宴守淇澳武公之戒敬慎威儀  
授濟南伏勝之經表章經籍汾陽公一門顯秩褒德侯九  
表崇班值此光榮可無揚扝伏聖當世名賢同時先達賜  
之華袞錫以瓊瑤或孝養賦白華之頌或游仙賡紺雪之  
詞庶幾榻中八叟並下始青之駟芝田四皓齊鼓小紅之

曲



任丘龐年伯七十徵詩文啟

瀛海名區鄭州沃壤一帆鴨綠遙接蠡吾十里鷺黃斜籠  
趙北疎汀曲沼霏霏菱芡之鄉雨艇烟檣歷歷魚蝦之市  
天連輦下野因蒼莽而彌雒水似吳中境以崢泓而倍敞  
生斯地也大有入焉安敦以吉殊多鳩杖之賓美秀而文  
尤數鹿門之胄維我某翁龐老年伯北路高閣西豪聖姓  
貂蟬溢巷珠屢瀆於璇源榮戟臨軒玉每生於崑嶺先生  
幼篤天倫長敦獨行分田授宅爲兄則忍處於肥讓棗推  
梨食果則願分其小加以居常不競衆推涉世之含弘性  
本靡爭咸服秉心之平恕偶談一二足概生平當塞翁失  
馬之年有楚國亡猿之事波將洊及株乃相連在上官原  
無投杼之嫌乃旁人盡抱拾灰之懼而先生坦然義命委



以虛舟率爾襟情期之飄瓦將余無怒詎鳴趙壹之寃謂  
我何求寧訟治長之枉斯之雅量夫豈恒情足知五世之  
其昌早信此門之必大至若鮮芳饋母陸橘懷撰羶毳承  
親江魚手進干蟠孝筭緣簷溜以偏生百匝慈烏繞庭柯  
而不去以茲貽厥致彼刑于邊孺人孝先貴裔居然冀缺  
之妻王孺人子晉萃宗展也梁鴻之婦一門友愛析無不  
易之衣三族雍諧室有同功之火居王彥方邑屋卽細人  
亦畏其名聞韓康伯風流縱女子盡知其號况復夙耽墳  
史雅愛縹緗保兩世之芸編屈惟嗜芟守百年之蠹簡董  
不窺園歸亡書於兵燹之後趙璧終完贖遺經於闔闔之  
家秦關竟出書真足寶彌旌貫日之誠硯可成田遂獲凌  
雲之報以故一枝擢秀先標上苑之名而三樹駢柯俱擅

連城之譽也茲當降岳之期正值生申之候昔君家三世之高曾爲近代兩間之人瑞或則年踰八袞或則齒過百齡朱霞紺雪味若恒饑園瓊樓視爲珂里宜先生之不煩金竈已知益壽之方無假銀房早悟延年之訣也伏冀鴻都上客惠以華繪鶴市名流貽之麗句則玉虛名館便爲元圃之臺金字題門卽降青毛之節矣謹啟



徵吳老年伯母六袞詩文啟

秋生閨苑方編勝國之春秋月冷瀛洲正輯前朝之紀載  
撫昔賢之往蹟光景恒新睠獨行之留芳音徽未沫下稽  
家乘上覽史成忠臣殉節半由闔德之同心貞婦貽謀定  
衍箕疇於奕世仙雛接翅知爲西母之禽桂子駢枝識是  
嫦娥之樹於今爲烈自古而然吳母徐太孺人者前壬戌  
進士福建巡撫諤齋公之冢婦而前癸未庶吉士介子先  
生之淑配也孺人浙水名門語溪聖族家多鳳子寧誇薛  
氏河東派出駒王盡說徐公城北里名崇讓牙幢綉戟之  
家坊號光延粉確銅溝之宅而乃嫵婉明經柔嘉習禮髻  
齡賦菊羣已奉爲女宗早歲銘椒本無關乎姆教爰夫待  
字以暨初笄風詩咏之子于歸易象演家人之吉一燈佐

讀用成夫子之名百兩宜家善得尊嫜之志抑有感焉所  
尤難者雖溷裙笄之列思在古人縱居紈綺之儔身通大  
義弔屈原於楚澤便知嬖女之賢懷聶政於韓郊卽慕姊  
嫫之行曾聞書冊娥乃移山詎學尋恒嫠偏恤緯固已弔  
爲少女氣感風雲城是夫人情關家國者矣愧明季之不  
綱致鴻都之失守文鴛匹騎雲擾都城青犢干羣颺馳京  
室時則庶常公甫遑皇途初登仕版鴻騫乍邁豨突何堪  
淒涼馬角誓排閭闔以呼天縹緲龍髯矢墜虞淵而捧日  
崎嶇東下瑣尾南還尋一旅之終摧況孤城之嗣沒五溪  
路阻標銅柱以何時八陣圖空返錦城而奚日願爲袁粲  
竊附臧洪憤飛疏勒之泉怨塞黎陽之土雞波夜夜翻爲  
化鶴之鄉螢苑年年竟作啼鶉之路愴何如乎悲可知也

斯時也撫軍方解組巖疆孺人適從親官舫船過荔浦忽  
傳庾信之難歸帆出榕城或報王琳之不返封霽雲之斷  
指聊代刀環慰徐淑以遺言勉支井臼孺人則靡笄一慟  
城欲全頽截髮長號石思立化銀灑雪浪冀追伍員之忠  
魂碧澣黃泉希蹈曹娥之孝蹟誓爲鮫妾訴薄命以啼珠  
擬作冤禽畢微軀於填海寧煩再計亦又何求旣而舅姑  
正色付以諸郎童稚牽裾憐其尚小遂躊躇而飲血終慷  
慨以旌心是則杞梁有婦未能喻此哀離湛母無夫不足  
方斯悱惻者矣若乃鄉關傾覆廬舍漂搖盼堂前之舊燕  
去向誰家問膝下之新雛歸於何黨僕慚李善友乏王成  
并無潼乳之資絕少餽餽之計秋蘆詎絮疇衣任昉之兒  
春笋非糧難飼叔敖之子而孺人則殫厥恩勤俾其成立

機邊織作春無歲以非秋帳底咿唔晝無時而非夜以至  
最憐庭竹只欲成斑不忿園葵居然似錦孫鸞罷舞永無  
臨鏡之斯荀鴨空溫長斷薰香之日皈心軋竺託命金仙  
可不謂書之青史泣甚羊碑彈入冰弦悽踰帝瑟者乎蓋  
孺人之稱未亡人也纔二十六歲其撫藐諸孤也歷三十  
七年母以兼師怙而加恃此雙驅汗血所以並起於南天  
而一樹瓊枝尤見先栽夫北闕也某等與青壇年兄秋風  
雁塔或附齊年夜月龍墀或稱同館芸閣袖書之暇獲聆  
賢母之芳風花磚珥筆之餘畧悉高門之盛事茲當臘月  
小春適遣華筵六袞桃開蓬島星妃設悅之辰菊滿金屏  
月姊稱觴之候人間節孝行看表雙闕以烏頭天上褒嘉  
佇見降九重之紫綉伏冀彩毫才子憇以瓊瑤彤管文人

編之珠貝庶使赤城霞起長聞四照之花將令絳縣春生  
永秀萬年之草





徵孟太母王太夫人六十壽言啟

蓋聞蓮開華井峰頭留玉女之盆桃熟層城澣畔築瑤姬  
之館西池王母胸懸五嶽之圖南極夫人名冠十洲之籍  
歷數興王之日必資褒鄂之勲恒聞積慶之家定藉釵笄  
之助禮泉萬斛滙自璿源美玉千重生由瓊圃於今爲烈  
自古而然茲啟孟太夫人者三韓孟聿修年兄之祖母而  
川陝總督忠毅公之淑配也巍巍甲第系本烏衣清綺門  
楣支分紫塞昔者齊姜宋子家號上流顧婦潘姨人稱右  
族烏石蘭樂陵著姓步陸孤吳地名閨俱不足以麗此風  
華均其焜耀者矣太夫人之歸我忠毅公也實年甫十四  
蓋奉我太宗皇帝之諭旨云乍委文禽宮中助聘纔鳴  
彩雁天上催粧時則忠毅公貳我秋官副茲都統毫都將

建未離負鼎之年姬錄方興猶在釣璜之日太夫人則罷  
勉庭除綢繆牖戶江頭鴨綠便爲濯錦之川峪口鴉青卽  
是採桑之陌聿勳駿業克纘鴻名洎乎真人當璧聖主膺  
圖豐沛羣豪蕭相國功名第一南陽諸將鄧仲華謀畧無  
雙屬九域之初平尚庶頑之未靖斯時也峩峩雪棧遠道  
三千杳杳金城提封百二葭萌關內杜鵑之刺壘何多麥  
積山邊陳寶之遺倉不少公孫述正憑陵於劍閣路梗褒  
斜姚弋仲猶崛強於秦州烽迷汧渭公於順治初年遂膺  
川陝總督之命爰乃慷慨陳師糾桓鞠旅西平囿紇烟消  
徐福之船東鏃姜瓖霧散張超之市他若銅脛鐵額之輩  
疇能免脫於林間以及赤眉青犢之倫大半魚游於釜底  
凡忠毅公廓清耆定之功皆太夫人左右匡勳之力屢援

袍鼓以隸戎旃罕御貂襜而親韎韜漑來黨椀只用傳餐  
卸得紅襦惟思立幟城上起夫人之號軍中得娘子之稱  
旣而忠毅公勤以忘身忠偏致命旗摧麾下星殞營門太  
夫人則明駝千里蹀躞還鄉寡鵠一軍間闕赴闕維時  
世祖章皇帝嘉其盡瘁軫此成勞給內帑以營喪命太常  
而製謚恩隆存歿天低驃騎之瑩詔寫丹青日照凌烟之  
畫太夫人愀愴家艱悚惶朝命由郊勞訖於錫祿勸必城  
頽自卒奠以至歌虞壘而路祭通都嘆息咸推秉禮之女  
宗闔境觀覘羣羨知書之姆教榮哀交盡律度靡愆至於  
瞻戀鄉關徘徊丘壠盧龍極望長懷梧楨之悲遼鶴重歸  
永結松楸之慕苔纏馬鬣願留灑掃之人雨裂牛眠冀斷  
樵蕪之客幸邀 俞旨獲遂私情則又誠格尊親感孚穹

壤者矣況復儉以持家恩能逮下公甫文伯之母克懋坤  
儀南宮敬叔之妻式彰閭範人傳孝友何殊石奮之庭祚  
卜亨嘉詎遜于公之戶固已宅呼崇讓非徒里字集賢於  
是一門少長綬吐文蛇七葉箕裘印蟠銅虎玉河夾宅翩  
翩顧陸之家畫戟盈衢奕奕崔盧之裔伯子領諸侯之貴  
坐擁朱幡仲君居御史之尊臺連烏府猗歟季子籍甚幼  
公金貂蘭錡已膺二品之崇班帶礪山河永保萬年之世  
爵可不謂胄踰薛鳳族邁荀龍者乎而太夫人猶以撥亂  
固思奮武守成尤尚揆文時賡清晏詎矜馬槊之勲資世  
際雍熙莫倚弓刀之門胄種雖猿臂敢薄雕蟲家本龍驤  
宜耽綉虎遂以三遷之母誠用成一代之詞宗此我聿修  
年兄所以策雋春闈名登甲榜文孫令子武達文通洵哉

盛世之禎符抑亦興朝之瑞應已茲以嘉平之月適逢揆  
覽之辰錦筵獻傘酒泛珊瑚綺軸徵詩書標翡翠願編珠  
貝祈貺瓊瑤喜見金堂列女盈階開四照之花欣逢瑤笈  
真妃繞砌擁萬層之壁謹啟



徵李母董太宜人六十壽言啟

蓋聞勾漏丹砂并誌延齡之號南陽紫菊泉留益壽之名  
恒春樹下皇娥惟拊瑟爲歡長樂花前玉女以投壺而笑  
赤芝三秀人間高天姥之峯黃玉九華雲裏秘安妃之籙  
正屆冰桃之讌况逢綵線之辰珂里昌期戟門盛事茲啟  
李母董太宜人者觀察某某先生之淑配而太史紫瀾先  
生之壽母也畫雉名閨珥貂上姓龍能就豢夙呼將相之  
門杏欲成林競日神靈之後宜人幼卽端莊長而淑慎縱  
處綺紈之胄靡愆蘭茝之儀雅聞髻鬢之年便協玗璜之  
節人推鍾郝族擅譚邢洎乎降祚更成林下之風爰暨齊  
牢彌起房中之譽時則先生海岱俊民青齊才子根盤月  
窟獨標仙李之門名列天衢屢宰潘花之縣旋由茂宰游



蓬虞衡復自臺郎出膺觀察故城則地連瀛海樗杜之畝  
必千鍾豐邑則界錯彭城芒碭之雲皆五色咸因循卓樹  
厥官方俱以清廉承夫宸眷尋冬官之夕拜俄水部之晨  
遷一官秉憲臺霜飛桂象之區萬里宣猷卿月炤湘灘之  
岸凡我先生馳驅鞅掌之勲皆太宜人左右劬勩之助輶  
軒北去則服翟茀以俱來畫舫南浮亦着縞衣而偕下翠  
翹金雀敢言命婦之榮載石封鯁交勵燕臣之志颺其懿  
媿洵堪君號義成溯厥芳華寧祇戶封石窳加以地是女  
床盈柯皆鳳門同合浦拊掌成珠龍文蹠躐人言桓馬之  
工犀角璘孺兒識賈彪之怒長邑令某某先生望崇仙令  
績已著夫飛鳧次太史紫瀾先生文擅省元才更誇夫綉  
虎蛟生字裏燃藜在白玉之堂鳳吐篇中授簡直黃金之

殿矧幼君之鵠峙更季子以鴻鸞翔鵲顧一門皆倚馬  
之才雁塔螭坳五夜食和熊之報其婦職也如此其母儀  
也又如此茲當花甲之籌添恰邁黃鍾之律轉華筵祝嘏  
筆花隨蕙葉以俱敷緹室書祥護草共葭灰而並煖凡我  
金閨盡懷彤管平日覽北堂徃訓輒咨嗟滂母之賢居恒  
諷東觀遺書每太息萊妻之行何圖斯世有此徽柔詎可  
吾賢不爲揚扈頌桓釐之闡德寧徒沛國諸生奉陶母爲  
女宗遑後長沙人士伏望廣輯瓊瑤速編珠貝庶幾窗窺  
朱鳥摛文俱五岳之圖輪馭斑龍捧竿悉十洲之客謹啟